

Primaria

Awajún

Jintiaja agaja augmattsamu 2

Literatura 2 - 4°



PERÚ

Ministerio
de Educación

La ciudadana y el ciudadano que queremos

Desarrolla procesos autónomos de aprendizaje.

Gestiona proyectos de manera ética.

Propicia la vida en democracia comprendiendo los procesos históricos y sociales.

Se **comunica** en su lengua materna, en castellano como segunda lengua y en inglés como lengua extranjera.

Comprende y aprecia la dimensión espiritual y religiosa.

Practica una vida activa y saludable.

Aprecia manifestaciones artístico-culturales y **crea** proyectos de arte.

Aprovecha responsablemente las tecnologías.

Indaga y comprende el mundo natural y artificial utilizando conocimientos científicos en diálogo con saberes locales.

Interpreta la realidad y **toma** decisiones con conocimientos matemáticos.

Se **reconoce** como persona valiosa y se **identifica** con su cultura en diferentes contextos.

Perfil de egreso

Currículo
N a c i o n a l



**Jintiaja agaja
augmattsamu 2**



Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito rural

Dirección de Educación Intercultural Bilingüe

Jintiaja augmattsamu 2
Literatura 2 - 4° Primaria - Awajún

©Ministerio de Educación
Av. De la Arqueología cuadra 2, San Borja
Lima, Perú
Teléfono: 615-5800
www.gob.pe/minedu

Primera edición, 2023
Tiraje: 4050 ejemplares
Impreso en agosto 2023

Elaboración

Jorge Yampis Agkuash

Revisor

Segundo Bakuants Cuñachi

Revisión lingüística

Claudio Wampuch Bitap

Asesoría y revisión técnica (Digeibira-DEIB)

Segundo Bakuants Cuñachi

Diseño y diagramación

Anali Shakenka Chávez Zambrano

Ilustraciones

Wilson Kunchikui Wamputsag

Cuidado de la edición

Mabel Petronila Mori Clement

Impreso en Lettera Gráfica S.A.C.

Av. La Arboleda N° 431 – Ate – Lima – Perú
RUC 20507839283

Hecho el Depósito Legal en la Biblioteca Nacional del Perú: N° 2023-06554

Todos los derechos reservados. Prohibida la reproducción de este libro por cualquier medio, total o parcialmente, sin permiso expreso de los editores.

Impreso en el Perú/*Printed in Peru*



Iwainamu

Uchi nuwauch aishmagkush ainau:

Juju papiya juka atumdauwai ame waimataigmin shiig awatamkattawai iina muunji takaa ajakmau augkum yaweakas pujut jukittame. Juka jikamtak atum unuimagti tusa agagmauwai jutii jikamtakji kajimatig tusa. Juna aujuinak datsamkas, utujimkas eme anendaiyin, ajankagtus dijatin, chichamkagtin tsakakti tusa agagmauwai. Juna papin ausati tusag amina jintinjamin yaimpaktatui nuwigtushkam amina apashkam, apachum nuwigtu amina pataim ainaush yampakagtatui shiig uchi pujutan juki tsakagti tau asag. Juka papik iina muunji takataiji pachisa agagmauwai atumek augkum nuwigtushkam amina tsanitaigmijai nuwauch aishmagkush ainaujai yainikjum wakekegat utujimkas unuimagtatjume.

Papijum ayamtaigmin takakjum dekas shiig wainkattame amina pataim ainaush amina nugkemshakam nuniakjum atumesh juti pujut shiig unuimagjum tsakaktatjume nuwigtush iina nugkeshkam ajantusa diit unuimagtatjume. Juka papik yaimpaktatui awajuntish wajuk tuwakmaunmash wajantaish chichamainaita nuna.

Papigma dekas anentai jukim tsakagta juti ainautish wajuk takakuiya atuunikaish eemainaita nuwigtush iina pujutjish kajimatmaitsuita nunu anentai jukijum tsakaktajum atak atumi pataim jetemjukminjum.

¡Kakajam, waju tsakaku emkami!

Unuimata pamukji Ministerio de Educación tujamji

Duik muun augmattsamu nuwa muunchin iwanch jii iputukbau

Duikik inia muuntak kuwashat iwanch waitka wajakmauwai kajinmasaish iik kashiish wekaemain wajachia tuwajame, uchish nigki jinas wekaemain wajainachu, kuwashat iwanch ayau asamtai. Imaniu asa jega itajak ukukmaunum nii akina senchi kasamia.

Nunii wekagu asa muunchi jiin ukuikattakug, junii nagkaemakiuwau, duikik iniaa muuntak kuwashat namajan ajai yuu wajaku ainawai, nejenak tukek namagtsukek yuuk wajakchau ainawai, ijunash tukee dusejai idaikmak yuu wajaku ainawai aikaskek kakajus yuwachu ainawai nunin aasag namajan iju idaikmamun, kuntin ijujai yamiskamun tikish aidau painjamunash tuke shiig etse etsees ukuu wajaku ainawai tsawak yuwatnunashkam shiig umika ukuu wajaku ainawai, imatika ukukmau asamtai ajanu wegag taawajashkam yujumkan inajuk yuwatakamag tukeé dai daik pujaun wainia tuwajame.

Nunii wetai wag aniawa tusa tuutu, wajig ima jutikawa tusa makichik uchi datsauchin ame juwi juwaka pujusam dakakam dista wajii yuwamu asa ima dayawa tusa uchin aputukiu, saipe ujutuk piniknum patati shiig umik iwanchis wainmainchau ema nuwi uchi iwak buchittsuk pataamsam dii pataamta tusa ukuau, numi pakasmauchin payagkun susa.

Dutika ukukim nishkam niima patatu, nunii patatai, iwanchakam midau nunitai yaki minawa tusa dii patatai, jega tanta anumas niimu ashi dis agkan atai waiti asakua ukukmaun inua ukuini chaat wayaya tuwajame nunik waya waja jega ejapen ashii niimu imanik niinima chimpui juki ekemsau.

Nuwi machik ekemas wajaakug nunú painjam batsatun jegantun diyau, achisa diyau dutika achis diisa machik epegke tsuwe tsuwetu atai ukuak tikichin achis diyau duka bikijun jegajua nuwi pinig ekemtataman juwakug apujus ichinka kuwat ujaka nuwi agkunip egkemtatman juwakug shikik apas dekapeau. Dutika diyam duka namajaka samtai juka mina yuju yujumchataijui tusa tunatu epeg ukuaya tuwajame dutika tikishnash ujaka diyau nunashkam neje namagka ukukmau asamtai apas disa juka juka nima yujumchataijui tusa nunash epeg ukuaya tuwajame.

Imaan wekaetai uchik patamas dii patatu anik tinamag ujajá dii wekaetai aikama imaa daiima tau, tusa dii patatu uchik.

Nunik dii patatai, nuna ibatika ega egakua, ichinak shiig ejapea apukimun wainkau ushik ijulai inagka apukimun, muun idaikip tuajama nuna imapam wainak apas dekapkama nii yutaijin dekapeg. Chah juka mina yuju yujumtaijua takug pinigka juakug waat yaja juakug kutagnum jegan yukunum ejegan dekas uchi eketbaun mamikis apusau nunik chimpuinashkam juki itan nui kajut ekemas jiuchin witijis ekemtusu nunik yuu eketu, apas diis saka sakami takug jiin tiwia tiwia ukuini juwakug chaat egketua iikug, iikug apas dekapeau shiig jegakmatai jiii juki bukunag jujugtii tusa patasu jiinum ayaunas.

Dutikamtai uchiskam patamas dii patatu asa utugkajak tusa dii patatu. Nuniai juna ushki yuwak maman kakut puuk jujakug ukuujinak ayampas diitsuk junak mama pukmawai tawa tawas yuu eketu, ninii ekemtai wau amumain anii pujatsuapi tusa diipas nina payajin juakug iwanchi jii pataamtatman tiwiki jiinum ajuntuawa tuwajame.

Dutikam nuu teemti pujat puusu wajaku imatkamtai ishamak tagkiasag ekemsaya tuwajame nunik ya, ya suu suu apea apeawa tau tusash machikish ayampaagkesh ditsuk nunak kakantia tuwajame yuwak.

Ima imaniakua nuna amuk machikish jiinak ayampash diitsuk ataktuu wajatki yajaa juki itan apujus ayaktakama uwetjau. Dutika jee, dusha wajukame tusa yukun tiwis ashi diyaya tuwajame dutika shiig níni wainkatakama wainkachu.

Nunik tau: waa mina jiju esauna ya suasua apa apeawa timag tusa iju shikika itanbaun ujumak yuwa apukiu nuna dutika epeg ukuak wekagas tsukintan iiku wekagu, nunik jii ikagnatan nagkama yumi shikijam atatman juki jii ashi ukatuk ika ikagna emaku dutika ima nii tepestinnak ampiju, dutika nuwi pegaknum iyai chaah takug buchakin juwakug pempe pempemas tepesu.

Nuwi tepai makichik nuwa muuntush
ajanu weu yumi uchupjam jii akasa
takugmasa waketmaun ikagnak
tsetseak waketak jinta wajas untsumu,
uchi itajak jega batsattsuash tusa
jiin itanjunti tusa. Taaa uchita pata
aneasjum jiush itanjunjua tusa
untsumu, tama tepes anentaima
tepau nantakug tanishnum anuumi
wajas antuu wajau, nuni wajau
ataktu untsumtai jau tusa aiiku
tusa aiik, duku dukuchi amek shita
shitamsawam taam juju jujumaita tau
tusa untzuk ataktu wakitki pegaknum
iyai patapatashmas tepesu.



Tima nuwa muunchiskam wajupa dakimagme. Wagka tikima tujutin ainagme tusa chagkinchin jinta aputumak jiin jujumkitatus saepchi uapag minau jega wayatatus, nunik jega taakug waya dikma iwanch jii ikapag pata patashmas tepettaman wainkau, dutikakug junisam ima tepayatkumek jii sujuikia taish daki tepejam takug daweuchia awi paat awatiu iwanchin.

Dutikam chachachacha duku dukuchi wagka wagka ai aikagma takug nantagkug tapit achiku dutikakug peashmaki tuut ajiaju nunu muuntush shiig kakaumainchau asamtai. Tujash nishkam yamaikik tapit achiniik maaniau nunitaish nuu datsaush nuwi patamas dii patatush ayamjukchau sapijai jaa patatu ása.

Tuja iwanchik nuna nuwa muunchin ima imatikakua ipimki kajut tepejuk daputchijin bishauchijin tutigkamuchin pujit tsujintuk jujukug jiuchijin pusut ijuti tiwi tiwia kutut ukuiti juwakug nii jii juinia jii atsaun nuna kuchat apuja juakug tseke jiinkug weu, dutika ukukim nuwa muunchishkam tseke tseke iya iyakua jii ukuitmau asa jaka tepesu nunisag jakau.

Duik muunta nuwe muunchin iwanch aiik jiin ukuitkau tusa agmattsamu, duikik iwanchik tupaag yujachu dutikauwai aatus muun augmattsamui duikik imaani wajakui iwanchik tusa.



Duik muun tseatik najaneamu

Duik muutag tuke ikam wegag chigki tukujag nuna kuntu pegkakag ikaunmak jiinum nenas ukusa yuu pujuidau imanii batsatu ása, ikam kanak wegag nuwen chichajak ashanta nijamash anutujuata ikam wenu taakun takatan takasmig tusa ukuujaku ainawai, nuwen shiig aka akates ukuau. Tuja takatji takamain atsutaik nuna tachakush nijamsh anutujata tan uwagtajai takamainuk atsawai tusa nuwen átus aka akatés ukuki wegau ikam kanak.

Tuke nunin asag makichik muun yachii emkaun amuju, iish yatsuju wajumkesh kanaja tamainchaukai, yamai takatak pujugsachagjama machik ayamku iish kuwaeka kanaja taami tikichik ikam wegag tawag nijamash núwe jujukmaun umuinai iik ayatak takatak pujujagjama tusa yachiuchijjai chichau, yachin ekeun tama yachi ekeu chichak kame nunikmita iish entsakes nijaki taamita tusa yachijai chichaidau.

Tusa yachijai shiig chichas kashiin amesh kayau jujutkita tita nuwem tusa yachijai chichasu ashii shiig aka akatdayas umiku asa nuu tsawajak ashinkaya tuwajame ikam kajinak.

Nunik jiinjag we wenakua ikam pujutainum aaknum jegawaju, nunik nuwi yachijai pujusaju.

Nunik kanag tsawajag wekagak wegaju imuu yujasag washii wainak nuna maawag, bashu inanakág nuna magkiag kaunkaju yachijai, nunikag nuna jii ikapatjag wegakgag ichiajag pegká idayinak akagken wegajag jikag, beejin akapen suwachin atus yugkunkag jikág ashii umikag nuna inagkag yuwidau.

Dutika nuna yuwinak batsamsag nú washii pegkaamun jii ikapatug iwayá batsamtau imá imáinakua kintamjag kashin tsawak shiig inajuk tsawajaju.

Dutika ukuinak duwishkam wekagak wegaju yachijai nunik wekae wekaekawa wekama nuwishkam washii minidaun igkuajaju nunaktu tukujag waketug mininak auntse inanmajag nuna tukukiag duke mininak kuyu wajajag etsa tajimtai nainnum utsánag batsatun wainkag nuna tukukiag kaunkaju nunik nuna pegka duwishkam kintamjaju.

Nunik kajigkag tsawájag kashinchakam wekagak shiyaku yachijai weka wekagainakua wekama washi washi minidaun wainkaju nuna tukujag nuwig kashikiush wakitkiaju aáknum, nunik wakitkiag kashik aáknum taawag nuna washi wegkaajag pegka jii ikapatug nuna iwayak batsatu nuna washi akagke wegajag jikag yuwinak batsatu yachiuchijjai.

Nunií nuni, nunú yachi ekeu, yachi muuntan chichajak. Yatsuju ame ii washi pegkag jujú awayamata, wii jú nainta jujú wenu agkuúmkín tatjai tusa weu.

Nunik jiinki wega wegakua imuu wee wekae wekaekawa imapam midau, nunik mina minakua, nain pegkeg saat, kampau kampaugmatunum waka, wajas niimkama, pasungkesh imachkish Atsaunum, ayatak nugkamanmag, waga nujinji wigkayama ibau tepettama wainkaya tuwe. Nununik: “¡Jee! Waga nujinjimpa tepa”, tusa.

Tikichish tuwig tepawa. Tusa wajas niini, duke makichik tepetai, nunak jukijia, yamajin nena jukiya tuajame. Nunik mina minakua, etsa ashi akagai aaknum taya tuame.

Nunuk taa, yachi muntan ujaya tuwajame. Nuniak: “Yatsuju, Wajina nujinjigkita, junaku nain pegkeg saat kampau kampaugmatunum, pasugmatsuk ayatak nugkanmag petsaka aipkimun jukikuag. Wagash petsataijin jegantag taka takawa, najaimaki petsak aipkima tusa ijamun juki atig, inaktaya tuwajame.

Tutai yachishkam: “¡Tiya!”, tusa diyaya tuwajame.

Dutikam: “Waga nujinjimpashit”, taya tuwajame. Nunitai: “¡Waah! Waga nujinjimpashit”, taya tuwajame. Tutai: “Tujash wajig juninush ainta Waga nujinjiyajamash yugkuna jiyan diistaja pukum jauwashit”, taya tuame. Tutai yachi muun chichajak: “Wagash pasugmatsuk petsak aepkama”, “wainkam yuchatai, nujinji yuwachat”, taya tuame. Tama: “Ayu, jakasta, yugkuna jiya inajuan diistajai, tuja yumaichakuig ajapatjai”, taya tuwajame.

Tusa yugkuna jiya idayak paampan tishija nunashkam jiyau nunú nujin inajua apatua yuwatnun dutika nuna jiya iwayak pujujai ashi kiyaju suweush wegau nuniyai nina yachi muun, washi

pegkamun inajuatatus chikimin kupig utuatuk waja wajakua pimpikiu asa tsawaig ayamak tepau nunik tepes kajii maam kanau.

Nuniai yachi tsakatchakam paampam jika puju pujugkawa inajua yachin yuwami tama nii yachi chichak wika maake ame yuwata kajag pujagtawai tau. Tusa tama ayu untsu wikish yuwatjai tusa taya tuwajame tusa nigki yachig kanak tepaig paampa jikamui nuna nujintan apatua yuwak pujau yachiig kanak pujaig.

Nuna nujintan yuwa yuwakua amuk nii yumamtan ikaamaki yumamu nuniak pujus paampa nii itamunak jiya yuwa yuwakua ashii amuku, nunik paampa nii itamun amuka pempenak yachi kanag tepettaman yachin ishintau, yachin inanki paampa segatatus.

Dutika ishintam kanag tepau shiintak tsuwa jaama amek tikima kanuchuk yuu pujuwaitam wajupaa apuita. Tusa yachin iniau, tusa yachin tikish nagtagkug nunú ichiasam juki jiyam apatuata tusa yachin tau, tama ayu takug nuna ichig nuna amuk nuwigtu tikichin segau ataktu patasag, dutika ataktu pataka segam tsuwa jaama wajii apatkumea ima amushtash tuu pujugme paampa ayatak weemaka kashiin yumainush awa. Kashinish wajii yuwattaji tusa yachin tau.

Tusa idayak tiya dekas nujintak yuwakmek imatu pujam tusa jiin tsauja ekematuk diikma wainkau yachii nigki yumamak imatu pujuttaman.

Dutika wainak jeee yatsuju wagka tunamame, wagka amekesh yumame tusa yachi tama nii chichak, yatsuju waanuts juniag tunaamajai tau, niina kuntujiya nunak putigkaja puapuat yumama numpanak puwaa eketu, nuniak see yatsuju wisha juniktina aag tusa yachin tau.

Numpanak puwaa eketu, nuniak see yatsuju wisha juniktina aag tusa yachin tau. Yachii jii ekematka diyam datsaamau.

Duka nigka nuna nujintan yuwak maatjamunum nuwig ijumaku chichii chichimakua ikaamaki yumamu, duka nujintak paan pegkejan kugkuugkuntu shiig pegkeg iman asantai nunakes yuwaja nigka tau, nii iyashi yuwamunash dekapmamchau tuke tempemajua iman dekapeau makishkish najaimachu wagki nuná nujintan maatjau asa.

Nunik yumama pujuttaman wainak yachii emkau chichajak tau wii awichuk timajam wainak nujin naínnu tepau juki yutaigkama wainka yuchatai nujinji yuwachat timajam nuná tusa tamaitkum

yachuchiju amek intimkim yuwachmum anna aneasan wika ujakmajame tama yachi chichak kame, dekas tujutme juniktatkunuts tujutkuminish antugkashmajamtai tusa anentaichijin inajuk buutu. Nuna buuti idayak yachin akateau, nijai tsaniasa wekaemaun, yatsuchiju amek weta juga aminash atsamjaijam tusa yachin ujau tusa tama nishkam dekas yatsug tunaamakpap tawa, tusa nishkam uumjin juwakug tsawaatsaig jiinkug wajakiu tikima tsawatsaig.

Ni aja tima yachi wetai, jasta yatsuju imachik dakagsata, shiig akatja awemátjame, tusa yachin auju, tama yachi chichak ayu tusa wajas antú wajau, tuja yachi akateak tau, yatsuju juga jegam mina nuwa ujatjukta, wika jegag táshtatjai wika ajutap wenu ajumaish jakashtinun najanean wegajai.

Minak puyatjutkaigpa ame mina uchish senchi chichakam aputugsata tusa yachin akateau nunik ashi akateg idayak, tikishnashkam akateau, yatsuchiju ame juga jegam mina iwagmamtai ainau jukim iwagmajatin ata, ayamtai umpataijuwe nuwi tusa yachin akateau.

Tusa yachin akateg, niishkam waujus, yatsug tunaamakpap tuu wekaewa, takug washi yachi pegkaamun, yachii chagkinjiin chimpia aiimak jusá apusau wegak jukitatus.

Dutika nii pegkamunashkam, nina chagkinjiin nunashkam chimpia aimak jusa apusau nunashka wegak jukitatus, dukika nina chagkinjinaa juki imau kuwak apujak, yachinunashkam waketjuki jukii, nina chagkinji apukimunum inagkaki aan atushat apujak, tikichin waketjuki juki waja wajakua, yachii jeen jegau.

Nunik wajejin chichajak yatsujuk nunii najaneame tusa ashi ujau dutika idayak washi pegkaamun juna yatsug pegkaame tusa, susa ukuak, yachii iwagmamtain butugkun, piigsha jitain, tsemtan, akiitain, waawajai, itipak yama najanamun, dushpin, jampun aattus yajuak ayamtainum iwaka batsasu ashii yachi iwagmamtaijin.

Dutika ukukim nishkam ukunú juwak patagak mina minakua etsa akagai tantau niina ayamtaijin nuwi taanta wajasa juwi ukugtukta timapja tusa diikma nii wajiji ashi aun wainak nuna juki shiig jampu juki usu usumas itipka yamagma itipjua ashii yapagmama, nii yaunchuk pegkeg pujusa yapagmamtaijinak imaanisag iwagmamag wegau.

Duik muuntak tuke nampe
 wajaku ainawai nunin asa
 nampegmainak nantsema
 batsatai tseat takug chaat waya
 jegá ejapega imuu tseken wajan
 nampeau nunik nantsemak
 tseatik anentan shiig betekush
 dakumu nunitai ditashkam, nii
 dakumaunak dutiksag nunak
 aintug juidau. Nunú aents tseatik
 najanea nampeamunum nunui
 pachinak nampeakush paan
 ebetja shiig dischamin wekagu,
 ima imaniakua tikima tsawak
 waiti ujantai tseat takug jiiná
 tajakiu, nunak nanaak wegak
 nunui weu, ajuma duwishkam
 nampe batsakbaunum, ashii
 suwamtuwama aaniai, shiig iwa
 iwagmama wajasa.

Tseat takug waiti agkamunum
 chaat wayau, yamá kiyak suwe
 wegai wayau, nunui wayá
 nampea nampeakua ejamkau,
 nunik nampeak aents kuwashat
 nampedau eja ejamáas nampeau
 shiig emetja iyashi diigsashmin.



Imaní wekagu imachik aents atsamunum jintai diyam, aentstiya imajuitak úje pegkeg yusa úje kápayama imau wajasu tuja wenishkam tayu nujii tsejegkush punuasuchiamma annush wajasu.

Nuninchinum nampeak wás nampeau nuniak kuntúji takua, takua, taku pegkeg nanapen kapan takua, takua, takua, takua wajau ima imaniakua tikima tsawautai yaachi egau, ditikam yatsuju wika jakashtinaitjai wainkam minak eganjaipa tusa yachin nampegtai nuweshkam antsan egau, dutika egam nuwenashkam eganjaipa wika jakashtinaijai tusa tutai yachi chichak achika achika ebetuami tusa jimag aents kuntunum mai egkek juki ejapeawag nantsemaidau nunik nantse nantsemainai tsawak iyash paan wegau.

Nunitai egkeakmaitak yápa taku aentsú paat awati ájapeak tseat takug jega ésajin teeji nenakmauwa nuna paat tuku tujat chigkamak jinkug weu atak wantinashtinun túke wegak.

Nunu aents nunik tseatik najanea weau nunmi muun pegkeg chikájunum pegkeg uje kapa aidau ijunag nagkukaimin, tujash duka pishak shiig yupijam aidai.

Duwi muun chichak wainak nujin pasuugtuchu iyag tepauk juki yuchatia tseatika nujinji nunin tutai asamtai nuna atus muun augmatu wajakui.

Sagkuch Augmatmau

Muun augmattsamu, sagkuchak shiig aents aa wajakchauwai duka iwanch iiya imajut dukapdao wajakin, aa wajakui.

Jujuna sagkucha wainkattakuig yaunchuuk muunta nuwe, nuwa muuntaitak uchiama nunin asamtai chaj wagkamek aniname bitajash wawepaum jasta iwishnun utin inamjatjame tusa tii ukuak iwishnu weji juki itaa tsaagku aag enamkau dutika iinamash tsagachu nunitai ina inama tujintuk tsagaushtai idaisau.

Dutika idayak jasta wagkamek ima tsagasme inia tsuwakan egatka tsuwagtajame tusa inia tsuwak aidaun egatuk ashi yajutuk itaa duwish tsuwau imatika tsuwamash tsagachu tuke jau. Nunitai wagkag aniname tusa ampagpajan tegajug itajua ajati amuu awaju imatika tsuwaamash maak wegachu ayatak jaa pujau nunia nuniakua nuni jegachat ayawenag senchi jau.

Imaní pujujai ashii tujintuk etsagagcha, see aa aniakuam jaka ukugkittakmeap anii pujame tusa nuweg egau tusa tama nuweshkam junia juniakuanus jaka ukuktatkun imaní pujagtai maak wemain dekapeasjai nuwigtush tsagagchajai ashii tujinjukume tusa aishiin auju.

Tutai ukukin wegai ukunum jakai tusa jegág pujúju, núní nuni nuwe yujumkan yutsuk tepetai pujus nii ni wajinak amasag dutikamtaig nujai apattsá yuwakum yujumak yuwawam, yujumak yutsuk tepa tepakuam nujantaish jakattame nujantash awepattajama tua nuwen auju.

Tuu tu yujumak yutsuk tepa tepakuam nujantaske mantamawai junisam tepemata sakee imau ayaun wainkamiag nuna kuwaasan utitjai dutikamtai ajasam nuna yumiji apattsam umakum yujumak yuwachainpash tusa nuwee auju.

Tusa nuween ukuak jiinki ikam waga wegakua nain sakee ayamunum waka sakee ajag utsá achig juki chagkin apukimun waka nui shiig achig kuwág chimpia juki etsa ujumak takunaig waketki jega minau, nunik mina minakua etsa tajiastatak wajai maatainum entsanum tattak minau.

Nuniai nunú nuwa jaa tepau ukukmau wakaní jiinki yaunchuk pegkeg asa ataijinak imanuk pegkeg waji wakin buchaki apijik jigkaa shiig yakíkin pegau minaun wainkau. Nuniak chagkin apunum tátag aidaun kamush aintsa kanutai aidaun kanamjin japimuk aidaun súku aidain awajuk aidaun kutag aidaun tsanim aidaun, ajeg aidaun kegke ajake aidaun tsatsamtain tsapan ichinkan buitsag yukuntan pinigkan aatus ashii nii pegkeg pujusa takataichiji aidaunak yajuak aímak entsaku minaun wainkau.

Nunak paán pujusa takataiji aidaun nuna wakanín yajumak imatikau.

Nunitai iká minaunak wainak, imánik jaa tepema nunash wajuka pegkeg weeh aninta tuu wegakug imanik yajumakash mininta tusa jáka wajasa diii wajau, nunik jaka wajas dii wajatai entsa maátainum tseken taá, tseken katig nii wajamunum mamikis tseken jeganta wajasu nunitai ashanju imanikam jaa tepemum dusha wajuka tsagagmea imaniame tuu wegame tau.

Tusa achiktatama menainak sayat nagkagak apii, apii awaju takug sayat nagkaeki nii sake achija minamun nunú jintanak aintug wagau nishka sake achija tsukapeakbaunak kanamjai nuwi shitaki ukuak pataetuku nuwe wagamunum.

Nunik pataetuk amaigkatakama, amaigkatakamá paán amaigkashmin wetai ikaag pataetus wejau nuniai imau wega wegakua nain jintaipatin tauwama nuninum tsegkeki wegau nunitai nishkam duke tsegkegi wegak numí apikmaki ajum waketak nuna diisa wakitkitnujin nuniai duka nuwak jintaipin aintug wee pujau.

Nunia nuniakua ayamku maatai entsa pegkeg pajanmaunum jegau nunik nuwu jega chagkina apujak awimak maitatus uminu nunik maai jaanchi pega jiinak intashin suti suti ajiau intashiin yumi jegamjav pij pij pij wajatai dutikam, jaká buutmaunum yumi ipama nunak aaniawai tuwajame muun chichak.

Nunik nuwigtu jiinki wetai, niigtushkam pataetus wejau nunia nuniakua jegantu, ipak usumku ijuntainum. Nunik jegan, nuwi chagkina apujak wajasa, temashi juki shiig temashmag, tsukagka akiag, buchaki shiig jigka pega, ipaku juki shiig usu usumas, kuntujinchakam pai paigtamu wajasa. Nunik ashi shiig iwagmamag, chagkina entsaki juwakug, pempenki wegau. Nunitai tuwi jegattakug aniawa aa aniakuash yayaig jegaat tusa pataetus wejau nunia nuniakua wegak jinta untsugta amakú nunik amak wetai niish patagas wegau kuchi batsakmaunum tseken jegantu nunikmatai niishka nuwi wáka juwish yaá aentsuk batsatua tusa anentaimu.

Tusa anentaimki nuwe wetai pataetagtuta kuchii peégken jegan nui iyaa wekama antuku, kuwashat tutuptin ipanjamunum naín jega muun pujámunum kuwashat aents pampaidaun imattai nigki anentaimas juish yaá aentsuk batsatua tuki wegau nuwe emak wetai nuna nemagki nigka ukuunumpatagas wegau asa.

Nuniai nuweshkam nigka senchi juwikí wegau ása chagkina entsaku wegau asa waitinum tseken jegantú nuniktaman sagkushchakam waitinum ayaumas wajau waiti asákuamun tatajat ukuiti, waitin kuwat ujátiu dutikam nuwashkam chagkina entsaku chaat wayau jega.

Nunik eke wayaunak sankuch tapit achik juwakug waiti tatajat epeniu, dutikakug chagkinji kuwagki jujakug nugká aputak nuwig japiki tuut ajiag tujit ichiiki juwakug kajut tepejuk nijiau.

Imatiktai nigka jega waitsuk ayatak waitinum jegan kajeka wajas dii wajatu, wajiyaik utuan maa ajapawag tusa nigka kanamjinak ukuak ayatak uwegmataik weu asa.

Nunii wajai nuweshkam dutika dijiija ajapam nantákug buukchik anchi, anchii wajaki jegag ekemas inyashin anchiagmaun augmamkamaikia majúmá eketu.

Nunitai kejek wajasa diis ukuak dekasa jega jegán ipámatuan wajukan ayatak kajenkan útsakun duwagnak japikin jukitjai takug waketú tajakiu nunik waketak núwe nijiamun wainkamun anentaimtus kajeka bu butkawa wegau.

Nunik mina minákua jintá amák tupi tupikakua sakee achija apukimujin tseken jegantu, nunik tanta tsukapek juwakug tupi tupikakua etsa tajiimai jegá tseken wayau.

Nunikma nuweshkam ashii mayaichiji jiinki waujú tepaun jegantau.

Nuniakug junisa tepayatkumek mina imá suwijai waitkajam takug kanampai tsatsútsu asau nuwen imatika nuwen maá ajapa wajan atsa atsanmakua nii patayi batsatbaunum wee ipámatatus wegak agkeasa juwakug jínkug wajakiu nunik wee etsa akaetsaig tusa tupi tupikakau nina patati batsatbaunum jegá nunú nii wainkamun ashii etsejug, atu atutkakajum kajegka kajegka utsagtajai tusa patayin auju, tutai nunú nina patayi aidaushkam ayu ayu tusa chichaidau tusa ashii patayin ipá juki waketkiaju.

Nunik mina minakua nunú nuwe kuwája aipkimunum taa diis ukuak nagkaematug ashiintukaju nii wainkamujin, nunik ashiintuk, ashii ashinyakua wajuaju nunú wainkamunum, nunik wajug jujui ankame tusa jinta untsuji amatkaujin amák diikmá nunú jinta untsujin áá wajakua duka chinchak duké tujutjutu chinchakiamana nunú dupakun wainkau, nunik wainak wagka junike untsugtaejama tusa patayi ipámun auju.

Tusa nunú chinchak dupak wegaun pataetuk kuchii jeen batsatu wainkamua nuwi tseken jeganta wajas diyau, nunika jeganta diyam kuchi jee aa wajakua duka kujuntsam jawa wegaun wainkau nunitai wagkag junike juwi kuchi batsaámajama tusa patayin ujau.

Tusa nuna tii ukuak ipaájinak sáku jega pujau wainkamujin tseken jegantun diyau, dutika jeganta diyam dushakam aga aa wajakuk ímanisag kujuntsam tepaju wee apiíg wajas aun wainkau, nunitai juwi batsamajama tusa ipak aidaun saatús yujajus ashii di dii ukukiaju.

Duka iwanch batsatu wainkamu asa nuní najaneak megkaejau asa nuniau. Nunú nuwa yaunchuk jaka nunik yajumak wegaun nii aishi nuwe wakanii waikamu asa nunak nuni wantinkauwai. Yamai jakaish ii wajijí aidau wakanig yajuaka juki wetai iwashnum wegakuish tusa nunak muún augmattsamu.

Uchi wanip najaneamu augmattsamu

Initik muuntak tikima yajasu aa wajaku ainawai tikish aentsnash wait anentu wajakchau ainawai, ditak anenmamá wajakui ainawai, nunin asa waje aidau waittaish, machikish yai wayakchau aa jawakui.

Muuntak makichik jeganmak ijunag batsama wajakui nuni batsatu asa entsa nija tuwami tusa muín ashintai nuni nuwa waje pujau uchiji awemau namak nijamunum, amesh weme pachiintsa namak maa utita tusa muín weagtai niinak awemau.

Dutika awemam niishkam muun shimutas weu, nunik ashi ashinkawa entsa nijatnunum, jegawaju nunik entsan nijaidau, nunik nija namak jinutai juwí ju winakua namak jinamu mijakmatai ukukiag minidau waketug.

Nunika minamunum uchi bitaikaush amesh weme mása utita tima weuwa dushakam minau jega waketak nuna uchí daájin tentes uchi tsakatush paán wajiush aa wajakui. Nuni wakitki minamunum ejapean minis duka jukatjai namak yugkunatnun tusa machi kanas jinta tsegkesag chagkinchi apujak wegak anui dakansatajum dukaushin jujumkitjai taunak dakatsuk ajapa ukukiaju.

Dutika ukukim uchishkam duká juka ukunum amamak amainagta takatakawa amainagchau nunik buutu, nunik bu butkawa ikaag minisa numi kampujánun tanta nuwi pujus butu pujau.



Nuniai dukujishkam dusha mina uchigsha tusa tutai uchijum waketjai tusa yaunchuk wakitkimajama, tusa tama wii uchin waintsug jama tusa tau, tutai tikish chichak auk awi duka juwak juwakmajama kajimatki dakatsuk ukukigjama tusa tuidau.

Tusa tama chah uchi dutika ukugtuki tujutjum jama tusa wenu diigmautajai tusa wea weakua jegantatak wegau uchik ikaag pujus ashí wanip najanea, ehea, ehea jikan kan kan kan kan yaki waak wajau.

Imattai uchi awimpap pujugtawa tusa jegantan jukitjai tusa duke tsegkegki wekama, uchi yaki watatman wainkau, nunik wainak, uchichi wagka yakish wame akaikita tusa uchuchijin untsua tama nii chichak make akaikishtatjai minak dukuachig ajapa ukugkiagmatai bu butkawan juniajai dukuwa amek wakitkita tusa tusa dukuchijin untsuau tamawaik waámkes egkema ashí waka egkematatus pujau asa wáanum chat egkema.

Nunik egkemamtai dukujishkam bu butkawa ukuki wakitki jeen tau nunik kanag tsawag kashinia duwi waketjuki numin ajaku dutika numi chigkai diyam wanip takash pipish najanea egketun wainkau, nunik wainak uchijin wainkatakama wainkachu dutika ukuki bu butkawa jeen tau.

Nunik taa kanai kajanum besejan ipatkau nuniak tau, dukuwa wagka aikaju wekaemu aikagtsuk kashi minakum mina ukugkiu uchiji ayakta dutikam juwi itantam untsugkum uchuchi amina ukugmakama nuna uchijjai tantajai tujutta tusa besejan ipatkau.

Tusa tima niishkam kanag tsawamuik nantakug wagkag tujutme tusa nuna uchi juwakug weu nina uchiji numi muunnum egkema nui. Nunik nii un najaneamunum jegan tantamek tujutta timau ibatiksag niishkam jeganta wajasa untsuam uchi wanip najaneauhkam tseke jínkiu, nunik tseke jintakug kajut tepejuk pajat esak uchinak yuwau dutiktai dukujig ajapa ukukiu.

Duwi nagkamash shiig wanip najaneauwai, tujash duka ikam yawash najen tutaiayi shinai dakumak najanea amujatin tutaiyai duwi dakumchau ainawai wanipnak.

Tuja tiki yamaipatchakam tuinawai aents entsa nijak wegak tsawai wanip shinutai nagkagak dakumak ukukiu timayi dutikam pataetuk jegajua maá yuwau tusa tuinawai.

Tuja jutishkam dekaskeashit takuik dekapmainai aatus muun ishamainun augmatin ainawai.

Kajakam uchimana iyagmau

Wajukkig kajakam aentsu amuktatkush taawami wajinmayag iyájabi nuni augmattsamu dekami, kajakam iyagtatkuig uchi chií yumi tutayama nuna umpi wekagu.

Uchiti wainka juki uyusa umpútíama aika upuu wekagu dutika umpuu wekaetai, aika umpuajaipa pasun iyanjamjai, kajakam iyain tusa muun tuajame tusa tabaitak antutsuk aga jiinki wakagas umpuu wekagu imaán wekagun iyanjau kajakam duka kajakmak muuntaitak nii iyak uchiimana nayaimpimaya iyaju.

Nunik pipish bishu ichuchijiya aanin paan wakejumainush chacha wajakin agagbau wajakin iyanaju, nunin iyagmatai jee wajina uchuchijigkita tusa tagkumami tusa jukiu.

Dutika juki jega ita jusha wajina uchuchijigkita tagkumatjai tusa shiig kuitamas chagkinchinum egkea apúsau, dutika mamán nejejai pachitus ayuju pujúju duti dutikam muumpak apu bishua ibau wajasa wegau nunitai jiki akupkam shijush wekagu.

Nunik wekagas uchi ijapakbaun uchi ijin yuwau, uchi numpitchijinash duka dukatu awaju, dutiktai jutika uchiin tsuwamin ati tusag ajanum wegakush ayá awi awekasash dutiksag uchi ijin ayuju dutikasua ita pujuidau.

Dutika pujau asa tikish tsawantai ajanum wenak ayaju, dutika ajanum yujak uchi tamaujua nigka nuwak dupan takak wekagak nuwi kajakman ayaunas aepjukiu pasunun uwakati tusa nunik nuwi tepai uchi shikipau tampunum kanag egkemas tuja kajakmashkam muun untuchma iman waja etekiu asa nunu uchi shikipatai shikii umutki ijapakbaunashkam yujuki numpitchijinash duka dukatu tikima yaigki buutchia imau pajat esaka wiii iwankau nunik uchinak yuwau.

Nunittaman dukujishkam waketjuki diistakama uchi esak yuu wajattaman wainkau dutika wainmawaik wai jujakug bachiskia awatmawaik pujut awati maatakama maachu, dutika pujupju awatam nishkam ayatak nampua nampua wajau, ima matika awa awatkawa muún ema imampuag aepsau dutika máta tú tuutu muun wematai ishámak ajapa ukukiu.

Dutika ajapa ukuki tupikasua jega tau, nunik jega waka dutikajai tutai chaj amupaktatuapi tusa ishama batsatu.

Nunik batsamas imatu batsatai kashii kintamak katituk aga machik jiinunak pajat pajat esaki emau dutika amuak agá jinki wekaesashmin awaju imatikam ditashkam epemi tuke chimpiju, dutika ibatika amuam pisainak jeen ukuki yaja uumak pisaidau nuigtu tikichin jegamak shiig tanishmag batsatuidau.

Nunik pisag ashinak uchi nuwauch tunamasu pujuttaman ukuak amea tunamasam pujame amina pegke yujamati amea anuchutinash amupaji tusa ukuak tsentsakchin peduag aipkiaju shiig wainkashmin ema dutika ukuki pisainak shiig waiti asa asaktus tanish asamtai jigka jigkatu emak ukukiaju.

Dutika ukukiaju ai kajakmashkam jega anutuk antukma bitat agkan atai aentsmaga taa waiti ujai wayau, nunik waya diikma tsentsak pempeajam aun wainkau, nunik wainak wajinak pempeajash ukukiagme tusa atig diikma uchi pempeajam tepaun atiju.

Duka uchik nunik minitai yaki minawa tusa ishama tepau, dutika atijam uchishkam nantaki ekemsau, nunikmatai dusha muunjumish tuú ashinkua aminakesh ukugmakme tusa tama nii chichak, auk yawa amupawai tusa pisainak amina pegke yujamati amea tunamasuitme tusa shimuinak minak ukugkime tusa ujau.

Tutai chií tujash tujash itug ashinkame tusa inaimwika wainkashmajai mina pempentug aepjuinak úmak pisajagme tutai chií yuashtatjame ijai pujusmi tusa dukatan nagkama duka duka ajuchijinak ashi tsatsugkasua esamtikau.

Dutika ni juki nuwatuk apusau dutika juki apujus kuntinun mantua ayuju bashu ainaun wagan yugkipkin ashii pajapja esattsawa itajua pai juju pegkasam detumsam yuu pujuta tusa idayak wisha midaun egaktajai tusa wee aentsu kajeg japi japiki ikaunma pujau, dutika tsukin ijumag ukuak pegaknum tepes daig tiwig tugta mantsetmagjai tusa tama dushakam nuwauchiskam ayu tusa iyanti tiwiju pujúju dainum neje eteémjaun aents esaku eteagbaun.

Nunik aentsu kajeg itashkam tuke iniau pataimin mashjak dista tusa tuja pataimin maamtaig patag maume tujutta aminash yumimsatjame tama ayu tusa jegantun aents kajegbaun diyau nunik diisa atsawai tusa tutai chii tusa idayu nigka patayi mantuamaitkush ujachu ishabau asa nunik aentsnak amuau.

Imatika amuam pisai pisainakua atushat weag shiig umak megkaejau nunik kistiannash nagkaematki amuau, nunik kajeg japi japiki ikaunmasua tsukinnum utuak idayas yuu pujuju ajum kashi aehaet nantaki, dutika kashi ibatika yusawa tsawag kanag tepau.

Nunikchattakug nuwenu yumain atsutaik kuntuu mantuataatus jinki wegau nunik kajentuk ikautua pai ju pegkagmam yuu pujuta tusa idayu.

Dutika pujau tikish tsawantai nuweg chichajak wejai yamaik apash nugkanum apachin maatasan kampatum tsawan atatjai, pasunuk atsawai ishamtsuk pujumata wii nainta au wegakum pupuu pupuunmakuan jaajaatjakuan pasunun uwa uwakeakuan wetatjai tepesam antugtu tepeta shinamu antakmek wegawapi tujutta wi amina pasunun uwaktakun imattatjai tusa akateau.

Timatai ayu tiu asa tsawan jeagai shiintag kajii ishiak tepes antuu tepai shinau, juuu juuu juuu... kajauu kajauu waja wajakua nainta nunintuk wagak bitata wajakiu.

Nuna nunik wetatak pujus nuwen akateak tuu chichaju wi apach nugkanum wematai pataim ujakta auk apach nugkanum weme iman kanag tatnuwe tusam pataim tita kayauchin umgmaktinme agkan ukunum wii atsai time tusam pataim ujakta tama ayu tiu asa aishi wematai nishkam tsawag kashikmas nantakug weu patayi apaji aidau batsatbaunum.

Nunik jega apajin ujau a<tus time tusa taajum kayau umigmaktajum nii atsa awik tusa tama ayu tusag pujut yumpuunak saekaju yujumkan kayaumkagtatus.

Dushakam nuwashkam waimaku nii aishii maatnun, ninak ukuch kajakam yuwaku utua utuama emakbaya duke pempentuki iwainaku mina ayankagnak yumpuakna anentai ikatakna awaju dutika iwainakbau asa waimakmajai tusa patayin ujau.

Tutai tujash wajii maatna ankaume wainkaish anmainkai itugkaik dekas kajakam maawag tuidau, tusa jasta yujumka kayaumkami tusag jimag tsawantai yujumkan sae saempeaki waketuidau.

Ima imatikainakua imiká idayinak nuwi pempentukiaju utugkaik maawag tusa iniimjuidau wajuknuwe tusa, tusa iniam nuwa chichak auk nuninuwe tusa daíg tiwig tugta mantsepan mantsekmagjai tusa waag tuke tepenuwe nunik kanag tepesmatai tiwi tiwijam apagmamamak jukaakaka takug nantagtuki esattatakui wii takunuk tseken chaiknu ekemai uwejuwame nuniashkunuk waapak wayai uwetjuwame tusa patayin ujau nuniak chaj ashanta atsamjajamestai ishamjukaipa tujutnuwe tusa patayin ujau.

Tutai tujash wajupa nunikaya kaninuwe tusa iniam kempatuma nunik kanag tsajamtinun waag tepegame nunik kanagmatai ashi tiwjan ukuwamaji dutika ukuki ai ajumadui kanag tepasua etsa akaetanum shinta waja pujawai tusa patayin ashii ujaku.

Tusa tutai chii tusa wii jui kaja jiya ukukmatai ame yujumak awi ekenkam tsutsutkum ekee ekeematkawam shiig jínawegama nunikmatai pujusam ajum tamtai dutika tiwi tiwigkawam kanagmatai numi ichikmagmawa jui aapka jukim waag tepamunum ejentam chaat egketuata tusa akayeau, tusa tama niishakam ayu tusa uminash dakama pujau.

Dutika shiig aka akates yamai tattawai tutai ukuinak shiig umijuk numinashkam nunu kaya aapka jukitnunashkam ichikmatug umijuk tikichin jega esajiya imuu duse aweti detua nui numi shiig pinijug atuti jui kaya akujam ukuakum tupikakim wakata tusa aka akates ukuak ajum taa wagka junash jutikawagme kakuish wii ejamtin asan duse yaitai jui awayin ukukmatai utiim yuwata tusa aikagtuame tita tusa shiig akateg ukukiu waketuinak.

Duka kajakam taji duka aents weeta wajau asamtai nunak tau, nii nugkutaijin pushiijin awimakag untsu pushii nugkuak muun yawa najaneau nunik tsania tsaniakua nuna nuwenak ejapmitkaku nunik ejapjuku asa dukujin ujakush wika ejapjukjai dukuwah.

Minash yujuatistai naínta imaan ajajan kugkugkam pujame imu minisnuk dekaapeajame tujutui, nuniak wika nunashkam yuwashtatjame uchi nii akina yujamati tusa tujutu pujaawai tusa patayin ashii ujau.

Tama chii tusa ashii chichaman umigkau asa dusenash aweyi detu detu emak umigkau asa ame dekapsata wainkam kuntuchu anentaimkum iyashiín patatkam apea inankumek duka ame yunaaktame tusa ima imatju ukuinak.

Maamek kachu umpuagta tusa shiig aka akates ukukiaju, tama niishkam dekapsatjai tusa kanajag anentaig pantak detagtaju wee kanag jaka tepenuwe shintaushtaut kanag tepechuwe dekapsatjai tau tusa pujau patayi shiyakmatai nigki juwak.

Nuniai kajakmashkam tau nunik taa pujamek tusa nuween auju, tama niishkam pujajai tutai chah ashanta tuu pasunmashchajai tsawantas umiitujatai, neje kajegkan ijumjan yajumkun wakekju pujujai nantag megkaejae tusa nuwen ujau.

Nunak ajum nuwe kaya akuja maattam pasunmak nuniku nuna tusa ujak idayak pataimish wakekjamka tama auk yauma dui kayaumak waketjagme tutai chií tusa yaki pagkas diistakama piini iwakbaun wainkau.

Nunik wainak jusha wajimpaya wagka jutikawagme tusa tama auk annak mina dukug wii yayajai tutai duse ukugtak aikagtusme juwi nenasam wajukim yuwata tusa. Tama chii tusa idayak jiinu diikma kaya jiyam jinanch kapantu wegama imanik jitaun wainkau, nunik wainak jusha wajii jiyamume tama nuwe ayak mina dukug kaya inchiuchin aju jisa yuwata tusa sujusbaun jitumamjai tusa ujau aishin.

Tusa tama chií tusa idayak pegaknum tepesu ayamak, nunik tepes daig tiwigtugta mantsepa mantsekmagjai ashanta tusa nuwen tau aentsu esasua nejen naíin eteag tau asa tama ayu tusa egaknu tepaun jegantun tiwijak eketu. Nunittamam jukakaka takug nantak jukitakama tseke wampak akumun putit uwetjau, dutikam wiii mantuawaipa tama cha cha chaj ishamjukaipa apagmamkun kajanum aents minidaun aentsu esákun imakjai tusa nuwen ujau.

Tutai chii tusa ataktu tepesmatai tiejjak kaya jiyamun eketug idaisau dutikam shiig tikima dewa wee jitaun, nuniai dushakam kajakmashkam tiwi tiwijam kanag anentaik paantak detagtaju wee tsajamtinun waag tepesu.



Nunik numpa yaja dakitamu ya
yawa najaneaku, saawish kita
ayatak numpak kitaamuk puwa
najaneakui juu ikam yawa aino

Nunik numpa yaja dakitamu yawa najaneaku tusa duka muun tibau, nunik numpa yaja dakitamu yawa najaneaku, saawish kitaámuk tuweg najaneau, untsu imachik dupanpatush kitaamuk untsu ayatak numpak kitaamuk puwagkat, shayashia aatus agagbau aina nunú najaneaku tibauwai, junii najaneakui juu ikam yawa aina duka.

Nuwa nagkai usupaja megkaekamu

Makichik aishmag jimag nuwentin aa wajaku, nunu aishmag kashikmas wekagak kuntuu maatus tuke jinu, nunik wee wekaesawa chigki wakemkash wakitki minisá makichik numi nagkai tutai kumpujam nejentin jinta wajaunum tantau nunik tanta diikma nuna nagkai neje uweja amúma akagag iyaag tepettaman wainkau, dutika wainak nunák juki jega itau, dutika itá imá muun nuwenak ashii susau.

Nuna nagkai nejég kashu nejegama anin, aán imachik esa santu wajakin tuja duka shiig pegkeg kugkuntiig jijuan jijuan kugkuaku pegkeg tsakuskutu yumintsak wajakin tuja tsamakushkam pegkejan kapantun tsamau.

Imanun juki itá imá muun nuwenak suwak uchii nuwenak susachu dutikam uchii nuweshkam nunú kai muun nagkai ashii susam nina uchijin tinami idayak nishkam juki yuu eketu nunitai ekemas nii nii nishkam ejamtin ása katsunjachmin yayau.

Nuniak imachik ekemnantak wisha atakesh iyatsuash weeji diisan iyau jukin yuwatjai tusa etsa nugkantai uchi ashii muumpasuchin jimajan juki, tikish aya magkasuchin egkeagbaun nuna pijajin egkeg weau nunik wea weakua, nagkai wajamunum jegantu.

Nunik jega diikma, yusa tajii patamtus yuu patatun wainkau, ninuk wainak nagkai akagak nugka iyaju atsutai, wekaetus ashii diis idayak, nunú yusa yuu pujuttaman untsuau. Nuniak yusa, minash wait anenjusam nagkai akakam ajunjuata tusa segau.

Tama jaákasta wiyá yujumatjai, tusa tau, tutai ayu tusa idayas daká wajatu, nunik duka waja waja yusa, minash waamak naigkai akakam ajunjuata tusa segau tusa tama yusashkam jaa jakasta wiya yujumatjai tau. Tutai ayu tusa idayas waja pujau.

Nunia nunia yusa yuwa yuwakua ejemag, nuna nuwanak makishkish akakag ajuntsuk, wajakun nanak weu, nunikmatai wajas diis ukuak, uchuchijin uchuchi wakitkimi, tusa waketuidau.

Jega waketak nunik waketkama wainak imanag, shiig jinta deka wakekkishmin wee wainak jintachunum yaja tsegkeki, ikama utuja wegau, nunik wainak ikama utug wekama, jinta untsujin wegaun betet amaku.

Nunik amaka jutsukaitai ii jintiyae nunu, tusa uchuchijijai chichasa tusa nuna jinta aintug wekama, jega apu jegamkamu pujaunum tseken jegantu, nunik jega jegattak wajasa antau, nui aents batsatu pamapaidau nunitai ii na jegae dutsukaitai tusa tsekeagkuta tseken jegantu.

Nunik jega wayattak wetatman, nui manchumush batsatu wainkaju nunik wainkakug waiti kuwat ujatiu chaah, ame amekaitam tata tata tau tama dushakam nuwashkam wagka mina aishjush tujutua tusa takug ayu tusa waya diikma tikich aents wainchatai aidau batsatun winkau nunik yaki ainawa tusa ashi ejegag diikma aents ashan jempejuku aidau batsatun winkau.

Nunik junash tuwig jegaja tusa anentaima eketu nunik ekemas niimkama iinia muunta maa yuwak, uchi bisatkama jukimu, muun washi uchiji tagkuma itujama aika, chapijug ana enkentsamu tsukin pegajimunum eketun winkau.

Nunik wainak tsekeagkuta tseken jegantu dutikam nunu anamu eketa nunu nuwa chichajak chah wagka animesh wekaeme juka manchumunch aentstin yukagtin batsatbaunum taume tusa tama nishkam chah wajukuskaih tusa ishamak wajas antuu wajau nunii wajai manchumunch chichaku nuniak chah, wainkata wainkata chupa chupa patayijai chichasai tau.

Tama nishkam wajas anentaimas chah wajuk wakitkittaknuk juniaja tusa wajas anentaima ataktu wakettsag, yama waya ekemsamujin jega nuwi ekemsau, nunik ekemsantai manchumunch chichak chah diyaku atajum chupa chupa tekagu, tusa tau, nunak wainkata wainkata, washi washi wajaki wegau tusa taku diii eketu.

Tama niishkam, waketki ekemas antuu eketu nuna nuniakua kintamu, nunitai bashi pegak atatman idaktus anuwai pegatjumek anui kanagta tuidau. Tama nishkam ayu tusa nui iyai uchi ijumas kanag tsawagkaju.

Nunik tsawagkag nuwi pujai manchumchun duwaji aidau ajanum weenak yuwaju, wegajai iish ajanum tusa ipau, tama niishkam ayu tusa wegak uchuchijinak ashii saas ajanumwegau nunik wega wegakua, ajanum jegawaju, nunik jega diyam aja ajaabau muun aja patatunum yuwi tabau shushui tepetag, idauk tabau numi uchuchiji pipish ajanum ipankamu weakunum yampitsa uchiji magkaka patatag weaku.

Imaanum jega wajas dii wajau, nunitai muun nunu manchumunch chichajak yuwaju ame jui wekaesata nunikam juju yuwi saigka juju juukta tuja idaukashkam juju aya juju juukta tusa idakta, tusa nii wekaesatnun inaktus, nui apukiu dutika niishkam jui wekaesan juju yuwiis juukta tibaunum nuwi pujus nunu manchumush, juju yuwi juukta tibauwa nuna inia muun dismak shushui ichig tutayama nunu aidau, muun yuwagnama iman aidau tepetag wegaku.

Tuja juka kuijush ainawai tabaushkam shushui uchiji pegkeg wawajam iman aidau tepetag wajaidau tuja idauk tabaushkam, yampitsa uchiji magkaku aidau, ajanum numi pipich ipanjamu wegakunum, patatag wegaku imaaniamunum jui ame wekaesata tusa apukiu.

Dutika nui apujak, niigka manchumchuk aja utug wekagak, shushui dekas muun yuwagnama iman aidaun, etegkeg juwau duika yampitsa uchijinashkam shiig muun nananat wajasuama iman aidaun etegkeg niigka juwau, nii dekas ajagtinuk dutika dekas muun aidaun etegkeg juwai nunu inia muun, nigka yuwii tamaun shushui diyau asa muun aidau uchiji wawajama anin aidaujai nigka yajumu.

Dutiktai nunu manchumunch tajuntun diikma wainak atsa, juka kuwig ainawai wainkam juninuk katsekaipa dekas shiig sayagkua ibau diisam akakta tau, tama nishkam ayu tusa dekas shushui muun aidaun diisa etegkeg juwau.

Nuna dutikayatak, idauk tamau yampitsa uchiji magkaku numi piipish ayamunum patatag wajattaman nunashkam ashii betek nagkamas yampitsa uchijin ayatak magkakuama nuninjai pegkeg nananamat waigkuama iman aidaujai pachimag yajumu.

Dutiktai nunashkam diikma wainak atsa jushakam wainkam idauk chanag aina juninuk katsekaipa juwai nija idauk katsugku aidauk iman diisam etejam juukta tusa tau. Tusa yampitsa uchiji shiig munta ibau waigku nananamat wajasu aidau juki idaktak imag etejam amesh juukta tau.

Tama niishkam ayu tusa yampitsa uchiji dekas nuumpaku nananamat waigkuama imaun diis niishkam etegkeg juwau, ima imatjakua chagkin apu takakmaunum shushuijai pachimag bete aimak apusau dutikai niishkam ajagtinchakam imatiksag yampisjai shushuijai pachimag aimak apusau.

Dutika mai aimkag pai junik wekaesami yamaik wakitkima tau tutai niishkam ayu tau, tusa wakitkiag wee wenakua ajanum wee waketku maataijin entsanum taa naadau.

Nuniak inia muun diyam inchi chuchuke tsujiaja utsautai tabau, yampitsa nawe tsajugkaja tuwa tuwa wegaku, entsa yantamenig imaanum dita mainiag umintsag, nuwi yampitsa nawe anugka tsupitai kaya pegkeg apapek aidau yajuaka batsasbau batsatunum nui anug yampitsa kagkajin kanampai deke dekentus tsujintu.

Ditak nunak idauka chuchuke utsanji tusag amatikaidau ima matikakua nuna yampitsa nawen ashii utsantuk shiig dijag chagkinum chimpia apujak, shushuinashkam nuwi sakuti utsanji tusa dakaja ampujin, akapen, suwachiin atus tega tegaki utsanmag dakag chagkiinum chimpia apujak kamuushi pega jinki wegak, entsaki juwakug weedau.

Nunik we wenakua juga jegawag ichinak shushui autaiji autaiji pujuttaman juwakug apujus nudui shushui dakagbaun juki juki chimpimag aimak awi duka jujakug shiig epe epe apujak jii ikapatug juwakug take ekenkau.

Dutika ekenak chigkimi jujuk tsutsutug idayak idauk tabaunashkam nunashkam yampitsa awi ekenkau dutika ekenak nunashkam chigkimi jujuk tsutsutug inagkau, dutika mai inajuk mai enek apujus neje ashii awimun wegkuk juki aepes nui ijuntug yuidau, ditak yuwi awimu yutayama aai yuidau.

Tujash yampis awimunashkam idauk ausbau yutayama aikas duwapchijin pakas utsaak yuidai, dutikainak niinashkam shushui awimun yampits awimun shiig ajampedau dutika nigka ayatak nejek asamtai shiig yuwashmin dekaapeayatak nishkam katsuntus, ayatak nejek apatua yumain mama atsau asamtai.

Nunii batsatu atak tikich nuwa ajanu wegagtai tikich nuwa muun nijai shiig kumpamdaisa chichamujai chichajak yuwaju ame yamai au tikish ashina aujai ajanum weta wii uchuchinak aputumatjame tau tusa tama nishkam ayu tusa tikish nuwa ajunu wegagtai nujai nishkam ijunki weu.

Nunik wega wegakua ajanum jega yuwii jukam utita timaun shushui tepetpet wajattaman juwau, dutika juwa juwakua juuk chagkinum aimak apusaju dutika juuk uminai tikish aidaushkam ditashkam dutiksag juukag uminkaju.

Nunikmatai waketug minii mininakua matainum entsanum jegawag mainiag uminkag yuwi sakuti utsankataji tusa shushui chagkinum chimpia apusamun ukag batsasa asaag ampujin akapen suwachiin anentain aatus tegajug utsantu.

Tuja shushui uchiji nigkiush jinki wekagu wekaekama waintayama aunak manchumunch yuwii ampaimaje tusa akaka ajapam auk aniawai tusa nuna etseju nuwa nii nui manchumchui pachinak pujus dii wajaku asa tuja shushui muun yupichuch tepau mautiama aunashkam yuwí dukap sayaag tepa tepakua supije tusa akak ajapamu anmayi tusa ashii etseju.

Nunik ajanu wee waka uchiji wainkatakama uwetug dusha uchuchisa kaijuh tusa iniau tutai yuwaju ame minakum chicham duwi kanagmatai yama egkegjai tau tutai dekaskets pegke chichamnas tujutua tusa chii tusa idayak yujumkan tsaik ekenak idayak yuwí tuwimatjai tusa shushui asag ekenkau jiinum.

Dutika ekenak idayak yujumak najukmatai nuna enek tsuwa uchish waa ima shimtanjatsua tutai kaiju ame minamin egkegmag duwis aniatat tutai chií tusa idayak nunu shushui najukmatai yuwaju tuimatjai tusa tuwimu.

Ditak yuwí tuidau asagmatai nunak uchijinak diitsuk dutika tuima idayak, tsuwa wagka uchish ima shintatjatsua tusa diikma uchik yaunchuk jaka suwén bukusea wee egketun wainkau, buukchia imuu jupaat bukuti butsuchiji jujuki maam egketun wainkau, nunittaman wainak jaucha yuwaju uchi jutika mantugtuamek uchi kanaje tujutam takug buutu.

Nunitai wajas diitum diitum wenuk buchijum buchijum wajaidau nunik buu butu kaiiji juu junii nain wegaka juniwenu uchin yutupatjai tutaianka ayatak mina uchi nantajumtaig, nantajumtaig weakui tau tutai untsu juni yantama juu wenu yutupasan ukugmautajai tusa tutaishkam anchakam ayatak mina uchi nantajumtai nantaju taig wegakui tutai untsu juniisha tama anchakam nuninke tutai ashii tujintuk tsuwa jaa tujash uchinash tuwig ukugmastajaki uchi untsu yuwatajum utugkatasagmea maamugme takug uchi jusa aepjus.

Dutikam tupikatki ayu takug juwakug uchi wegkaidau uchi seekiuchijinak shau shau pakajuidau imatikiagtai utugkattakug imatikawa tusa ekemas dii ekemtau, nuniai wegkajag umik dijajag dukan jega ejapega awi aituk aepes akaidau, dutikiagtai dii ekemtau ashiismas buutu eketu nunik akainak mina buukchiji sujusta mina kujapchiji sujusta mina akapchiji tegagtusta wajaidau tikima amputchijinash tsujindayas tuke majetsuk juwakug jinum chaat jiya inajua yuidau dutika tantanchijinashkam tuke tsujig juki jiinum apujau.

Dutikam najak tsuuu wajatai apachjum untsukta dukuchjum untsukta umaim untsukta kaim untsukta duku untsukta awajuidau najak kuwaak tii wajatai.

Imatjiagtai pujus dii pujau uchi batsas pujus uchuchiji jimag mai mumpajunak apujus titu pujustajum mantamawaijum yukagtiinum jegaji tusa, wajuk wakitkitjiki tusa uchuchijijaig chichas nigka nii tamunash dekachu ayatak kajanum wekaetayama anik nigka jegau nuna nankai usupaju asa.

Nunik pujai kiiyau nunitai jaanchin ainak uchuchijin utsai kajiidau nunik uchuchijin ikanag yantajus uwejchijin atamjus kanajua imanis tepau nunitai manchumunch juwatki minitu, dutikam midaun wainak wajii yuwaju diyame tama, amina kajeemag jakai tusan diistasan minitjame tama atsa wagkanuk kajemjanush jakatja yuwaju kajejaku uchi mantuamunsh tusa tima wakitki pegajin weeu.

Nunik nuwauchishkam machik kanasta titatmanak tikishchakam minitu dutikam nunashkam waji yuwaju minitme tama yuwajun yuwaju jiincham yujakui yuwag kanagmatai uchii jinchem esati tusan diigsatasan minitjame tau tama juig jinchem taatsui wika kanasjai wishakam tuke iwa pujajai kame uchiin jinchem esatjini tusan, tusa tima chiif tusa wakitkiu.

Nunik wakitkimtai machik uut nenteegau nunittaman shushui wajantu besejan ipatkau, ii nugka tain waa umikan ame yukuchigmia awi jiigtatjame ame nantakim yukuchinum jii anamunig wajakim akachuchijum atimasmek nui waanum antumsam pujusam jaanchjumin jawa dukumasam pujusam nui uchijum uusam yununtsam shitasam ajapata tikishchakam dutiksamek ajapata wii jui igkugkan jujuktajame tusa tau tima kujatuk shintaju. Aanka amek manchumchui jegaume aanka yukagtinai uchigminak amutjamkattawai aminash yujamattawai tusa ashi ujaku, nuna tusa ujak uchi ininam awemata ame pataekam akaekum cháik buukchigmin yuku sujut batsasam akaikita tusa shiig akateau.

Tima niishkam beseeg ipatkam kanú tepau kujat shintabuik nantakug uchuchijin ishintak juwakug yukuunum akaiki jiuchinum ekémsaju nunik ekemtakug diikma wainkau shushui nugka taumi iwakbaun nunik wainak tujutmape tusa janchjin átimasag nui kutagka juki ekemas nuna waan jawat dukuk pujus nui uchuchijin yununtsag chaat akakiu waa weajunum tikichnash dutiksag awemau nunik nii muun juwaku nunik juwak nii nunika akaikita tibaun nunisag nishkam akagak chaik buukchijin yukun batsas akagu, nunittaman manchumchushkam wainkau nunik wainmawaik jeh weawai weawai takug tupikatki tikima chaik buukchia imau juupat jukitakama yuku buuken batsakbaun juupat juki tujat kijaktujit chikai jaka tepesu nuniag shushuishkam kaej epeku nuna waan.

Dutikam jinta untsugtanum ashinaidau jimagchik uchijin ayapas wea weakua shushuiyai jegau nunik jegamtai shushui nuna nuwan yuwaju wika pegke yujumkanak yutsajai taam kegkeuchi yuwajai tusa auju, shushui maman yukama nuniu asa tuú auju kiwi yuu asa kagkag muun shuwinama nuna kaim kegke tau kiwi tajawama dui uchi apámash wenunum sajat apegame duwi tusa tutai diikma wainkau.

Saepee iju ijuma emaakbau kegke saipega iman ijumjam aú nunitai wainak dukuji uchijin chichajak uchita juu yuwawaigpa kegke chui juka kiwi saepe yuwawaigpa jakaijum tusa tau, uchiji tusa ayasa wekaemaitak uchi ekeuch uchiti nujan katsunmainkama nuniak yapagki jegau asa uuka nuna kiwi saipe pakajam kegke saipega imaan wee atatman yuwau nunik duka ekeuk jakau.

Nunikmatai dukuji buutu nunik buu butkawa nuwig ukus ukukiu, nunikmatai shushui chichak, yuwag kashai yuwag kayukjai puja awi weta aú putsu yujumkan yúwa nii ajamjamsati tama ayu tusa niishkam kayuk kashaijai pujamunum ejgau.

Nuwi kayukai jegata tibau asa uchiji bakishkiuchin ayasa wea weakua jegau kayukai nunik nunik jegamtai kayuk chichajak, chah yuwaju anui pujusta tau, kayukak juga muunnum pujuau, nii nagkai usupaju diisam, niigka katugkanak jegachuunak nii nunii diyau, yujumkanak sae saepee emak kayau kayaumaá emak pujau.

Imánik pujamunum tsekeg jegau, nunik jegá cha yuwauchiju amesh wajii yuwamea pujuwamume nujantai jakattajai yujumkauchijum minash ajampusta uchi nujantai mántumjai tutai chah yuwauchiju wagka aniish wekaeme juu yuwata takug najintan juki batsattsau dutika nuwigtushkam yujumak saepeakmaun juki juki ijutu jiisa yuwata tusa dutika idaikug nijamanch yama yajamu pujuttaman shout shikijuk jusá susau dutikam niishkam juakug pejekasua uwag amui nujanta chichiag chah ájayap pujutai ayi tau tusa makichik uchuchijin ayapasbaun mai juutikan inagkapakiuwaitkunuk tusa buutu.

Nunik nuwi juga kanag tsawag pujai, yuwaju ajanum weajai amek uchi batsasam pujúmata wii wiki wetajai amek yawejam taúme tama niishka ayu untsu wii uchi batsasan pujumatjai tusa uchi batsatkim pujus uchi kuwitama pujau.

Nuní pujai dukap ása yujumkan egak minau nunik taa atushtai nunin asamtai yujumka egakan mina minakuan etsá akapajai tau tama chi tusa idayas juu jisa yuwata tusa idauk kegke átsa susam nuna jiisa yuwau.

Nunik tsawag kashinia duishkam ajanum wegau nunitai yuwaju wisha minitjai ame wegakmin esamchin diigmastajai tusa tutai nii chichak atsa yuwaju wiki wetajai wika ishaámainnum wegajai iyaá jamainnum kaya peetkaunum peemsa wega wegakuan nuwigtu kaya patagmaunum tsekeasan akaikin nuwi numi atuimunum jegantan diipasan akaikin waja wajakuan imapam waittsan jegajai amek pujumata ajua maawaijam tama untsu ayu tusa pujusu.

Nunik pujusa uchi ijumag puju puju tikima tikima dukap atsuk nuna uchin iniau, itug dukush wegawa jintash wajupa wechamnaita tusa tama nu uchi chichak auk dukujuk wainak tawai auk jintak imanchauwai jintak pegkeg untujin pakauchik ajanum jegantui diik kuwaeka iish dismita tusa tutai ayu tau.

Uchishkam tusa nuigtu ujau nuna nuwan nuwa chichak atumesh yana ajajiinia yuwagmugme tama iik amina ajajum tamau yuuwamji tutai dekaskeka eeja dismi untu tau.

Nunik jinki uchi kampatum ukugkimun saas nii uchijin makichik ayas aatus weau, nunik wea weakua maatainum jegau nunik jega nui uchin yapin nijatuk juki tikichik chichiaju asa nuumpaju asa nii uchijiai duka emak wegau nuniai tikish ayatak wekaekau imanik chichianchaun egkeaku, tikichin nui kujian pijajin egkeaju nunik uchii saas wegau.

Nigka uchia iman kayuknash aentsua iman diyau nuna nagkai usupag wekagu asa, nunik wekama niina ajaji aa wajakunum jegantu nui tugkitak jeganta wajau.

Nuniai nu kayuk ajá kasamkata tutai nuna nuwa aishii jiiyau nuniak ame jutika kasamsamnum tusag mina nuwa wainak yuwatnunig ima dupa yawetu wekaiya: Juuu juuu numinak taake taake awaju.

Nunitai nishkam nuwi wajas uchi ijumag dii wajatu, aiishin chichamen antuk. Nunii wai nuu dutikam yujumkan kasamkatatau dutika apa apagka jiyam tsajat ikia chiat chiat chiat takug tupikaki tsajau ejamak pujus temashmak shauj shauj shauj waja pujau, ataktushkam bitat wajakmatai wejaun atak wainak jiyakam nuigtushkam nunisag tupikaki nunak ejamtaijinak ejamak pujusa atakesh temashmak shauj shauj shauj waja pujau.

Nunitai aniakpa ima yujumkan kasamama nuna ima aniawa tusa wajas dii wajau. Aishi chichak juu juu ame annum yuwamnum tusag mina nuwa tsaniipa pukuak wekagas uchii uwa uwanas puku wekaetuya tusa buu butus jiyau tugkitka awaatak wekagas kasa jintin akigtak dutika ataktu jiiyam tupikaukma nuu nuwa ajagtinchakam nuwi tanta uchi ijumag wajaunum tseken jegantu nunik nuna wainkakug chiat chiat chiat chiat takug tupikakiun nunitai nuu uchiji ashi mumpaju emak wajauk nunisag peet tsekenu nuniaiktatama dushakam egkeakbaushkam tsekeak intashinak pujit ukuini weu.

Ujeen uwee ukukiu achika ujeen ebetmainkama nunin asa nuniku nuu pijajin egkeamu tseke jiinun tapit achika tugket ajiag maa nunak jukiu.

Nunik nuna wantiintuk ishiak ukuak aishii ajaa jaatju wekaebaunum tseken jegantu nunik jegantun aiishishkam diistakama nuwe minittaman wainaa tajakiun nunit wainkakug chah ashanta iwaakmek takug wika nunaku jakayawash wajukayawaki takuajam iwakmek tusa pagkuktatama, amesh iwakmek titasamesh minash itugtukaminia junash junikbaija sujih ame mina yujag sujitjuusamin wainkan usupajan wenu wainkan wagakan wekaesan uchi ijipashjak takug aishijai pujut tukunii tapit achinik maaniu papa awatdayau.

Uchuchijin makichik ayaku ajanum jegau asa ima imaniakua atsugdayak idayas aishiin nuniinum jegamjai tusa ujau.

Duik muun nunikui tusa augmatsamu yujag nagkai tutaya nuna usupag.
Duik muun chichak nagkai usupajaik wainka wianka imanja wekaesa tikish nugkamun jegatia tibauwai, tujash duka yamai uchitiik wainchataiyai dusha wajukuts aya nuninush.

Iwanchi kuwishi esatmau augmatmau

I nia muuntak duikik kuwashat iwanchjai maani wajaku ainawai nunin ásaag ditakek kanakish wekaemain dekapée wajakchajui, ditak machik kanaki wekagunak iwanch waamak juuwau. Dutiktai asa paan ishamayatak batsatuidau initikiik iwanchik kashi aents kajigmatai jega taa wekae wekaekawa tsawak waketu nuniu asa uchi ejapeasam kanag tepaunash juwau, nunin asa kashi kajigbau aii tau.

Nunik taattakuig yama kintamama aniai kajiamunum uchi dukujin, dukuwa tema takashtusia tutai dukujishkam ayu tusa takashtus tema jujukiu dutika pujai uchi kuwig takakbau kanagtatus buutu nunitai nuna íkanak tepes duiyaik nishkam kaji pujatai kanau.

Nuniai ataktu nunu uchi dukuwa temaa takashtusia tama kashií dismi yamaik kajag pujagtawai kanagmi tama kajek yukunum akaiki ekemas, dukuwa tema takashtusia eej, dukuwa tema takashtusia eej waja eketu, imatu ekemtai dukuji chichajak bitat bitat kanagta kashin diismi tajam dusha wagka antasme tusa jiyaak kanak idaisau tusa idaisam niishkam tusa bú butuu pegaknum iyai kanaju.

Nunik duka uchik kanaju aí, ajum duwi iwanch taa nunu uchi ekemas buutu wajakbaun dakumak nishkam uchi buutu wajakbaunak dutiksag dukuwa tema takashtusian eej dukuwa tema takashtusia eej, waja eketu.



Imatu eketai nuwashkam kanag tepau shintaukma antuku nunik antuk nantagki, tsuwa tikima kanuchuuk imatu eketam takug nantagkug tia tia takug tapit achik japiki ayantek akakaichia aan intashijai ijumag tsaju tsaju esau, dutikkama tikima kuwishia imuu ujejai ijumag tsajut esainu dutikam nuna nuwan shitaki ajapeak waa kikikikikiau wajaku takug tseke jiiki tupikak buutkau.

Waaa kikikikiau, waaa kikikiau inayi kukakia, inayi kukakia kuwiimjua kuwiimjua wajaki nain peentau tuntuamjintin weajunum wegak.

Imaattai nuwashkam chaj iwanchna aikag, tusa puyatuk tepes antu tepau nuniak antukaig tusa tsajam uwejen kuwishiin kaekasua akijua tepes antu tepau, nuniyamash tikii paan imatu, nunitai kuwishinak akijuamutak tepes antu tepau.

Nuniai ima imatkawa nain waka akaiki tikish niannum waakush ima imatkawa waka akaiki wajawajakua muja atushak wajaku kaya pishiipshit tsakaku weajunum.

Tuu yumiija ukukim tsawagta taka takawa usukin buku wajasu, nuniak kunakpi kesag yukunnu chipia yumi ajuntua etseek nuna yukumpas tepa tepakua usukiin buku wee idaichiik kupi kupina jakau.

Nunik dukuji jajukam uchi tikish nuwanum wee batsamas yujumak sujitam nujantai jiinak yawa ijiii aga ijaapakmau saig batsamama annun yajuak yusa batsa batsakkawa, nii jau jai, nii tsakau tsakajáju.

Nunu duik muun nuniku aa jaku asamtai yamai uchi buuttaish, buutipa ajum iwanch dakumjama pujau antukaig tusa uchin chichaju.

Inia muuntan waakiam amuu wajakmau

Duik muuntak ayamjumatash imanis kakaas ayamjumaa wajakchaju ainawai, paan sapig aa wajaku ainawai, atsanbau ainayatkujash jeganash inampuas apuchi jegamak batsakchau.

Piipichin aakchi jegamak jegamas ika ikakua esagma jegamag nuwig ijunas taniishan apakag pegaknashkam dutiksag apatug peakmag batsatu.

Tuja numinashkam ajajan ajag ipanjag batsakchau jacha atsugbau asa wajiyaik numi kampugmanash ajaktinme duwi ditak kanampai numinak ajaidau asaag, numi tsejegchia aunak etegkeg ajag numi muun aina ibaunak ayatak ipantuk emak nuninumag initak wegag yujumkanash ukugmaidau.

Nunii batsamin asag numi muuntak wegakaig numi uchiji tsejegkuch aina aunak ajag ipantug numi muun wegakunmag yununak jegamak batsatu.

Nunii batsatai makichik muja kaya tsakajuunum, waakiam pujau, muun ukukui nagkaesau nunu taji numi muun ipanjamu agaush wajaunum nui pasugmak petsak pujusu, nuwe petsak pujus kuwashat muuntan amuai uchi piipish aidaun muumpajunchakam.

Nunia nuniakua uchijiin takimpaju nunitai aentsuk jega batsatu uchinak jiiinmain awagmachu imaanitai ishamaa batsatu muuntak dutika amuamu asa apu jegamak pujachu ayatak nugka antumkika jegamas batsatu, yaki takusa jegamka aig waakiam yupichu utujua yujuawai tusa nunak dutikau.

Nunii batsatai tikich jegagmaidau aents esajam nii dekapmama buukega awii uwejen ekeni dekapas diis esajin patai jegamu, tuja nii dutikachuuk dekapatsuk wainak ajiag jegamu.

Nunii batsatai makichik aents jega esagchijin yakiush ajintus jegamkau nuniku aii niina yachi ijajak weu nunu yachi nijamanch umamu ajampeam uma makua nampek nii jeen taa nampeak yachumi yachuminak waakiam yuwatnuwe, waakiam yuwatnuwe muun jega jegamkame, muun jega jegamkame, muun jega jegamkame.

Yachii ijajak weu, yachi nijamanch umamu ajamsam nampek taa yatsugnak waakiam yuwatnuwe muun jega jegamkame nampeju pujugbau tikish tsawantai waakiam yuwau, nunikmatai nuna yachi uchuchiji muntsu daagtin bitaik wajasu.

Nunik bitaikameamtai apaji yachi juki nii jeen ita apusam pujau, nunik pujus wakee pujatai dukutchijin dukuchi wakeg pujáwai utusanuk wakenum weag tau, tutai dukutchijishkam eesta ematjame takug wai juwakug wakeuchinum tijagchijin ema wakitki jega tattak minittaman pujut kupiintuk paat tuku tijagchijin jujuttatama waiyai puju puju tijajin ayamjuk jega etseke awayak niishkam tseke wayai.

Nunikmatai nunu uchi apaji yachin chichájak apawa uubi tukukia wagka dukuchiik waiyai awatug uwaakae tau tama atsa uchuchi tukutag tuu wekaetai apa yuwabia dutika yujuawai tajai tau, tutai see mina muun etia wika muuntaitkunuk tsegasa painkanus tukuintagtai tusa atsanmau tusa atsa atsanmakua ashii muumpaju.

Nuniai muun aidaushkam nuwi tikiju batsatuk kashii yujumka juki yuwinak ashii uumag megkagaidau, nunikmatai waakiamshakam yupichu maachmin dekapeak atushtanmayan wejeau.

Nunik dukap megkagak aka akaawa etsa tajiastatak wajasa ai aentsu maa egkeaku taa uchijin nuna dutika ayuju pasugken ayautus patatus.

Nunitai nunú uchi waamak taatsu ániai ániai, pinigtajai kashinig tau, tusa kintamjau ása kashin kashik wákiam uchiji egatak wajaki wematai muunta pai pai yainkatajum yainkatajum pini pinigtajai tau, tusa nuni tsejeg aidaun tsupiinak weenak apawa paigkish paigkish ukuitujata tusa ukukiu.

Nunik numii tsupik ikaunman idayak numi kampujaa wajaunum numi tsejeg ayautkaunum anagta anagtama paket peemak sayakasua waki tsegkeakunum wajai wajas numi tsupigbau anaa japiki jukitnun daekan sayakasua akaki duwi numi tsupikmaun jigkatuam japi japiki yajumu ima imatikakua nii wajamunum ijumag piniig umiku dutika shiig midaag nuwi duka yajuak eja ejamatu aeajus akaikiu nunik jega waya pujus tsentsak baseamu yaikatajum tusa tsentsakan shaukasua baseku.

Tuja muun paigkish ukuijata tusa
 ukukmaushkam niishkam paigshinak
 ukuyag pegkeja ejeyi apúsau dutika
 pai muntsu paigshinak ukuijajai
 tau, tama ayu tusa niishkam
 tsentsak basekmaun juki pujujus
 tsentsegkasua paig jujukmatai yajuak
 chipatnum awajug tuntanum egkea
 nenak kintamjav.

Nuniku asa kashin yama tsawau
 taig nantaki tsegasan anau nuniai
 wákiamshakam wajaki weu, aentsu
 maatatus nunikmatai niishkam
 uumin daeknum anaa ukuak daek
 anagtamamun juwakug paket peemak
 sayakasua waki piniimunum wajai
 uumin daeknum achik japiki juki
 ekeemsau.

Nunik nuwi ekemas tseasan payag
 umik uumnashkam japi japis ashi
 umis ekemas dii eketu, nunii eketai
 uchijii yapajak buutak, wiaj wiaj wiaj
 wiaj wajaa patatu, imattai muunjish
 wajupa asaag tajit tusa dii eketu nunii
 eketai waakiam aishmagkua aents
 aishmag muuntan maa japiaku



uuuuuuuu...suupa ekeemkau pasugken ayaumtus nunik taa ekemas aentsu iju ichi chigki uchijin ayuju chuui chuui chuui chuui wajau.

Imaattai muuntsua aan wakiam yuwam atinuaya tusa tusa buutu batsatu muun aidauk, muntsu waakiampa tukutatus yaki waki ekemtai, imattatman niishkam wajukatin tusa dii ekemtau asa tseasa jujakug uumnum chaat egketuk peet umpunti tsaket tukú ajapau dutika juju juki tukuau imaatikam nuig wajasag tseasa jeteemag ima imakua juaki tujakasua iyau.

Dutika ajua idayak tikichi dusha wajukatin tusa ekemas dii eketai tikiitchakam uchi maa egkeaku uuuuuuuj supa ekemkau uchiji patatbaunum nunik dushakam uchijin aentsu nejen iju ichi ichintus ayugtatman nunashkam peet umpunti tsaket umpunti ajapau.

Dutikakun tsake tsake nunashkam nuig kutuk ukuinki tujakasua ajua ajapau, ditika mai maa ajuagmatai muuntashkam buutu batsatu jiitujag jaujau jaujau waijaj wajainakua tantajan tinamdagag juwakiag jegajuawag agkeasai tsaju tsu ijuidau ima imatikakua ukuinak chipuman dakaajag nuwig jijutiag tuukasua apea ajapawaju.

Dutika chipuma jijuttatus yujajai muntsushkam akaiki nugka iyaaju, nunikmatai tupikatkiag sujut kauntun ayumpa beset iikmakume kakagma awajuidau.

Imaju wajak idaisag uchijish wajukatig kashinia dui tsawag dii batsamtai uchijiishkam yapajak buu buutkawa aents maa patakbaun ekeemjuk ijuu yuwatakama awaajig tujakasua iyau, jiimag uchiji nunikmatai nunashkam nuwig jii jijutii tuukasua apeawaju.

Dutika waakiampa maa ajapawag dui batsamas nagkamawaju jega inampuasa jegamtan nunii nagkabau ainawai muun jega jegamtan juna atus muun augmattsamui.

Muun maa bukee tsupikmau nantaki nayaim wematai nuwe pataetukmau augmatmau

Shiig yaunchukek imanika maaniamuk atsu wajakui, nuniaig duik muun yamai inia muun kanusjai maaninak tsupinii batsamtinun dekapeak tikish aentsjai maanidau, nunínak agkeasa etsakawag duwi maanidau dutikdayinak buuke tsupigdaikag sukuniidau.

Tuja yaunchuk muuntak batsamtanash yamai kanaja batsamtai aina ankag batsamsachui, ditak makichik jega muuntan ijuuntug jegamag nuwig nuwig pegaka pegakmajag tuntugkaja piyak batsamá wajakui.

Nunin ásaag makichik jeganmag kuwashat aents batsatu, nuni batsamtatman ditá shiwáji nagki jujukiag mini minituinakua kashii kautkag batsa batsamtakua etsáwak épediag batsa batsamtakua dita imá kuwashat ásaag depetkiag taniisha tegajuk utuawag nui aents batsátunak makishkish awematsuk ashii amuku.

Dutika aishmagku amuagtai nuwak pisag jiinjang ashii nuwaush aidauk uwemjaju nunika ayatak nuwak juwájag buutuinak kaanag ukushchamin dekapeenak túke idaisaju.

Dutika ukuinak tikish nuwa aidauk tikish jeganum ashinkaju nunik ashintai makichik nuwa chichak, atumek ankatajum wika mina aishunak jutiksankek ukukchattajai tusa juwák aishin jiisaik agaush



maa buuke tsupigka jujaku ajuanta aipkimu ayatak numpak wajas tepettaman japiki juki jega iwaya jeke etseetuk nija nija awajus tantaajin aituk nui aepes jii ikapaatug naweemtikas aepsau.

Dutika aepes niishkam nuwiig ayaumtus pujuju, nuniai buuke tsupigka jujukbaunum sau pushu púshu wajau imánitai pujus dii pujuju, nuní pujai nunu aents kajegka ukukbaushkam kagau.

Yau kashik kajegbau asa, kashii tsawag etsa tajimai kagak senchi mejeau, mayatchamin imanitai katsuntus, nujiuchijin epenas átsu ayampas mayatus pujau.

Nuna dutikaktakug duka nuwak aneaku pujau nunu aishii chichak atak ashanju mina mantuawagmataig ukugkitin aipa wika mantuawag buukjun tsupik jujutkiagmataish dukap tepa tepakuagn ataktu buukjunan nantaktinaitjai minak tigkishap besejatkauwai wii nunika buutjumainnak tutai asa duka nuwak aishuug chichagtak mantuawag buutjun tsupik jujutkiagmataish dukap tepa tepakuan ataktu buutjujan nantaktinaitjai tujutuapame, tusa ima ukuachu.

Nunik pujai chuwagshakam nunu aents kagak mejeedaun dekapeg yuwatatus kaunu, nunitai nuna aishii buchak ajutai shiig dukug idayak pujusa dii pujuju. Nuni pujai jua juatki kakaetuidau, imanitai niishkam wajukattakug imaniawa tusa aishii minakus tepes diii tepeju.

Nuniai juwa juwaki kakaemag tuwaku nunik chuwag ayumpujii muun pujuama nunu chichaku, nuniak uchita waamak jegastii kachiktajum, kachiktajum tau, tutai ujunauchiji washuchiama aushkam ayuu ayu takug aentsu tseke wajati jawat jawat ijakidau, dutikainak dekashii kaujun egaidau.

Dutika egakag ashii shiig kauu eteejun wainkaju, ju ima jegase ju ima jegase awajuidau, tuja imaanis kaugchau aidau ayatak tagkajunak juka eke jushaa eke awajuidau, nuninak apu kachiktajum time anu anu jegasa anu kachiktajam tuidau.

Takug tseken wajati kakaitusag pukuit pukuit ijákidau, weejai ayájai tusa, imá imatjuinakua ashii ijakig umikagmatai chuwaagka tiki ujunauchiji kaasip tutaich takaptusuch kuntutchiji baejush bikauchiama nunú júwattsag tseke tajuntau.

Nunik tajuntun nujiyama aúna kuchii bika wajaknuchiin takáku tseken taakug jakasta jegaseash wii dekapstajai tau, tákug nunú kuchii bika kakakbaushii bete bete aentsu nejen betet tsupin juwakug yusa dekaapeau.

Dutika yusa dekapas chah yajau yajau jegaschae tau, tuja dushakam, tukii ima kauje tusa diyak wekaetaushkam kuchijiin tsupis diyá diyákua wekamá nunú nuwá aishii pagkus tepettaman tseken jegaantau, dutika jegantun nagkagas diyam minash itugtuktin tusa jiii imachik enasées diyau, nuniai chuwaag ayumpuu juasag chimpuinum ekemsau, nunik ekemas namuj pushii ichiinkauwai ijamu juki apusau, dutika apujus atig nuna pushiii iwagkátug aituk kaya pegkeg puju yampin dagag kapantú yampintaku dagattaku, pujunum kapantu paintuamu átus kuwashat kaya aidaun batsasu.

Dutika batsasa yajuak shiig peká ijumjau, dutika dui dekaapau ayumpuuk ayumpuuk tuwajuk batsamtusu nuniak makishkia auna juka yamá kuntin jaak tuketuk tuketuk wajaunum jegatia tau, jimaja auna juka kuntin yama jaka ayatak chichiajua aannai tau.

Kompatuma auna juka kuntin nuu yaum jakau ayatak tagkajuama annai tau, ipak usumta auna juka kuntin shiig kaujua iimanai tau, uweg amumta auna juka kuntin ashii sakajua annai tau, juinia uweja makichik ijuka auna juka kuntin yaunchuk jakau sakájua nuninai tau.

Juinia uweja jimaja ijuka auna juka tsumainai tau, juinia uweja kompatum ijaka aunajuka yanumdawai tau, juinia uweja ipak usumta iman ijaka auna, juka tikima ii patayinui tau, mai uweja amuaya auna, untsu juwai tikima ii yachiuchijinu tusa.

Tusa nuna ashi dekapatai, nuwashkam aishji minakus tepes, dii tepejum tau, nuní tepai nunu chuwaag ujudaji aidau, aents kajegbaun, tuki imashi kauja tusag, ajum yuwatnun dekak yujajushkam, ashi yujajus diis, aents shiig kaau etejuun dekaag, nuna etegkeg umikag, pai apuh, yuwanuk ashi uminkae tuidau.

Tama ayumpuu aidaushkam, nuna namujin dekapak batsamtau, tuke dutiksag atigbautak aepeak, ayu tusag wajakkiag, nunu aents ashí shiig kaau eteju etejagbaun, jegantag yuwidau, imatjiagtai, duka ujudaji aidauk, ayatak ijunas diidau, apua yuwati tusag, nuni ijunai, nuna yuwawag ashi amuk, imachik nejeuchiji peetjinchin ukujuinak.

Pai atum juju pekeksa yusajum ukunchiji ajapsatajum, tusa ukujuinak, tikichin, tikichin, nagkaematuidau, nunitai ujudaji aidaushkam, nunu yuwa amuka imachik neje ukunchin peetjinuch aepenamun, nuna ditashkam pejekes yuwawag, ukunchijin, nagkimag utsai utsainakua taawaju.

Nudiagtai nuwashkam tepes niini. Chuu, wagkanuk juniaja, dekas namujin jujuktajai, takug, peet tseke nantakug, namuj pushii puju yaig ichinkawai iijamu, atija nuig shiig pekaa ukukbau atatman, ashi dutiksag ijumag wegkuk juwakug, chuchuken kaet jigkatua, pijaajin, chaat egketuau, dutikakug, chuwaq tuwak átatman patachi jujákug pujupju awátu.

Aénts jaka tepamunum nuwa pujau chuwaqkan pujupju awatu dakumkamu.

Imá imátikakua ashi awajug ishiaku, dutika ishiák idayak nuna ataktú atig juka pegkegchau ainawai tibaún nuna etegkeg utsagku, dutikak jujú pegkeg ianawai tibaunak nunak etegkeg yajuak shiig ijia ichinkanum egkesu.

Dútika egkea, aishii buuké tsupigkamunum, saú pushu, pushú waja wajakua ayatak saunak pushúkasua wematai wajúkattakug aániawa tusa pujus dii pujujú.

Nunii pujai, nii patayi nunú aents aidau, shiwag amukbau antuk dekaskeash ashii amukma tusa diistatus taawaju, nunik taamtai juna chuwaqka namuujin atankijai ame ánuí emamkemam ame kaen egketaigmin shiig egkestá, tusa chuwaq juka nuní ainawai tusa dekápagbaunak imátiksan shiig ujak susau dutikam niishkam ayu tusa juki wakitkiu, dutika awagki idayak, aishii jii ikapátak pujusa dii pujúju.

Nunii pujai aiishishkam buuke tsupigkamunum saunak pushu pushuu saunak pushu waja tepau, imá imániakua buuke ájakunmak ímanisag sau pushuukasua tepesu ninuikmatai pujus diyai, diyai tsawa tsawak pegkejan anaanatun buutjug tepesu nunik tepa tepakua shiig tsawauú wajai diipas shitamki nantaki tepesu.

Nunik pujusmatai nuwe iniau, wajuk dekaepeapa imajuk dekapeam shiwag mantamawagmatai chuwaq yujamawai tusan dakaku pujugjame tusa tamash aimtsuk antú tepau.

Nunik tepa tepakua ashii kiiyama aániai wajaki diipas aga jiinki wajau, nunitai nuweshkam wajukattakug aániawa nemájus diyau nunik nemajuk wea weakua nuigkits wekaeja anentaibiatatak ayatak yákiaw, nuniak minimuujinash juwap minimja tusa deká waketmainchau dekápeau, nuniakush ayatak anentaimas wajau.

Imá imániakua yamá tsawau, ániai atsuk batsatbaunum tepetpetu waakunum watayama anik tseken wayau ága pegkeg ipanjamunum ímaanum juga pegkeg muun jegamkamu pujámunum.

Nunik waka diistatukama nunú aents shiwag amukbau aa wajakuk iimanisag atsut untuka pekaam pekamak jása íjunun wainkau nunik wajas niyai nina aishiin atsut enkeki juyakug nunú aents dita aents wája pekaamak abaunum nuna ukujin awaantau dutikak niinashkam aishii ukujin juki awaantau.

Dutikam niishka wajas itugtuktatkug jutijawa tusa dii wajatu, nunii wajai nunu imánik aents íjunjaun makichik untuk nii wajamunum itan tsukapnum ánuí júwakug peet nagkimá biik ajakbau yagkuujug weakunum pajat pataku, dutikak tikish aidaunashkam ashii dutiksag juki jukimpatau.

Dutika patajam ai aiya nunin najaneak biika yagkuujin bukunainak wejee wejee wejee yujaidau, nuniai nina aishiin juyakug peet nagkima pajat pataku dutikam nina aishishkam ai aiya nunin najaneak biika yagkuujin bukunak wekaetau, dutikak tikish aidaunashkam ashii dutiksaag juki juki patau.

Nunii wajattaman atsut tseken tájakug kuntuunum egkeki juwakug nagkima biik ajakbau yagkujug weajunum pajat pataku dutikam niishkam biiknum pajat pataamak biika daejiyama awi tapit achimak ebetumatatukama biika daejin pujijit tsujiimag tujakasua iyá tepesu.

Nunikmatai nunak atsut kajejuk juka sukuujiyai juka jegag awayáwaipa anui agá ajapatajum tau tímatai tikish egkeki jukiag aga jintá yantamen emenan wekaechatainnanini apukiu, dutikam niishkam nui pujus niima pujau.

Duka dutika apújuwem nunii pujai aents aishiya nunin najaneak biika yagkuujii najaneak biika yagkuujin bukunak yujaushkam tuke yujajus buku bukunainakua etsá tájipaidau, nunitai akajatajum tama akagag ataktu aents waig íjuntsáju nunikmatai yajuak juki yumi makichik nugka tente taimuama ibaunum bete piyag pujaunum ejegan nunui ashii sujukasua utsá initak akag emegkag ukukiu dutika ukuki pujai pujai kintamu.

Nunitai niishkam wajakun jegá saatken tanta nui atumas kanag tsawak kashik yama tsawabuik yajakug dita yau jui pujusti tusa apukimunum nui jegan pujusu.

Nuniai atsutchakam imachik etsa puwau jiinai juwatki yau aents yumi piyajunum utsaa

yaunchmitkaka initak akaja ukukbaun tajuntaun nunik tajuntun maki makichik aentsu daaji ainaun adaitus nuuwa pujamek tusa untsau, tusa untsuam imau initak ipamat wajukama anik teenteee aiimu.

Nunitai jinjatajum tusa jiig ijumag jasta esámainatsuash umpuasan diistajai tusa maki makichik aentsun dujinum apaa umpuas diyau ditikam mayai ágkeasai ijugbaunum suu suu suu jiinaidau nunitai eke esamainatsui juke biika yagkuujin bukunatnume tusa kashi kashinig biika yagkuujin ishimá pujúju.

Imatika pujugtai pujus niini chah nujantaiyap jakattaja wajukanuk wakitkiag tusa anentaima pujau, tuu anentaima pujai kampaatum tsawanta jui dutika nujinum apaa umpuas dekaapeau, dutikam mayai jinainachu, nunitai tsaj yabaik pegkeg waigkugme kashin inagnamu biika yagkuuji bukunatajum tusa idayak yajuak nagkimak biik ajakbau yagkujug weajunum dutikawajum ditashkam aih aiya nunin waig biika yagkujin bukunak yujau.

Ninitai dushakam nuwashkam pujus dii pujuju, nuni pujai etsa tajimtai pai akajatajum tama aents wee akagag ijunjantai yajuak juga utsá biik jampeg tishija ichinkanum aimka awii inagkamun ukai maki makichik pinignum tinamkau.

Dutikam nuna yuinak nii aishii tanish agkauwama annunum biika atsáki juki suwau, dutikam niishkam nujantai ashi jaka pujau nuna yuwa chichiaju nunik pujai ataktu yajuak nunú yumi muun piyag pujaunum utsá ukukiu, dutika ukuumatai duka nuwak pujus anentaima pujau.

Nunii pujai etsa ashi akagama aniai week minidau nunitai atsukchakam pampaa batsatu jejeje apa pach mininawai takug kuwegtuk chagkina juwakug taket atektumakag namuk mama yuwii aidauk kegke dabau kutag tatag sagku aatus najaneak megkaejau, tuja duka weekak diita dismak apach pushii bukusea aidaun nugkuinasua kudau esajam uyuk wajakin aidaun tinamdagak miniidau.

Untsu nunú nuwa diyam week nanapjuk shimuwama nú aidau nanapenak chuug daichijinak winchaantuk sauu minidai imaanik midaun wainak jaucha weekapi itugkajak tusa wajatkug diyau.

Nuniai weekshakam jegá sujut utsaana nunú atsut mama nunin najaneak tsukin tepetpet waigkájun ijuntug yuwidau, nunitai itugkajak tusa jegá anúmas diyam aents atsuagtai jegá tseken waya, atsuta yujúmak autaiji ichinak apukimu pujuttaman juwakug jiinum taket eketuk eke juga utsánunak atsá

atsáki chimpiu ibatika nuna ashii ijina ukag ukuak atsut mama nunin najáneakun week tuwajus tuwajus waintatman nunashkam ashii wekaetus tajak yajuak ichinkanum chimpia nuwi nuwii ashii amuku dutika nigka nuna kakantai atsut mama nunin najaneak tepetpet waigkun week tuwagkag kuchakasua yuwa jiimaituk tsupik tikichnashkam dutika awajuk eke dutikaunak nunú nuwa ashii wekaetus yajuak nuwiiku.

Dútika ashii ijina agaush jiinki jii ikapátus nuwiak pujus ataktu wakitki jegaa taa wajiyaik apatua yuwawag tusa jui aents batsáma dusha tuki shiyakme tusa yana mama seganuk apatua yuwawag tusa mama, yuwii, idauk, sagku, aatus tepetpet wajattaman maman chuugnum nanchikis diis yuwiin akamtaijia tuu nanchikis diis idaukan numpijiya aan nanchikis diis awajak supich agtai ukukiu, dutika nigka idayak nuna weeka nuwiipak pujúju.

Nuní pujai nunú mama nunin najaneaku ataktú aents waig nantainak tatagtuidau ima imaninakua nantag chah yaa pagaejui namchiktuae, yaa dujjui chichitne yaa pujutaijui namchiktuae, yaa yapijui chichitne wajaidau.

Mama ninin tepettaman chuugnum nanchikis diis yuwiya nuninun akamtaijiama awi nanchikis diis emakbau nunak ataktu aents waigkag nantag imatuidau imatiagtai antukbaikia weeka nuwiak pujúju.

Nunik duka nuwak pujai kashí tsawag nunú aents yumi piyajunum utsa initak akaja ukukbaun untuk jiig pekaa juki juki biik weajunum nagkimu dutikam aii aiyama anin waig biika yagkuujin bukunak wejee wejee wejee yujau imá imaaninai etsa tajimtai maki makichik aentsu daajin adaituk anka anik bukunam idaikum namaká iyagkam yaunchmata nunikam aú amain tsapuakum shui shui shui tita nunikam wakettsamek yaunchmam katigta tau.

Tama aih aiya nunin waig biika yagkuujin bukuna yujanu nuna nuwa aishiya juwaki kucha muun wigkagkantas pujaunum tsukuaj iyagku nunik iyag megkaekamtai wajukamki tusa wajas dii waijai aú amain panan tsapuak shui shui shui tutai ataktú yaushmam katigta tama ataktu yaunchma katiak yaunchuk shiwag maacham pujuujakbaunak imanuk wee jinkiuu nunikmatai tikishnashkam dutiksag yaunchmitka tikishnash dutiksag yaunchmitka jiyau.

Imá imatikakua ashii jiig ijumag yajuak jegá utsá yujumka ayujak pai yamaik waittsaujum nunú ayamsatajum tama ayu takug juga pegkeg jegamka pegat pegakmagbaunum atsana imanui tepetpet waig kají batsátu.

Nunitai atsutchakam nunu numpegmainak yuwawagtinun biika juuk painag umiu, nunitai nuwashkam pujus niima pujai ipamat ipaamu nunitai nunú mámu wakani aidau tseemka tseemjag ayatsui buitsa ibau muunnum yumi bete wajas pujau tugkitkeen ijuntu jag apak agkeasa takuinasua tuwajuk ijuntus dii ijantau.

Nuniai nunú kuwau, nuniak tsukats kats kats kats kats kats wajau imattai ipamashkam pajapja iyau, imattai atsut nunú aents tuwakun chichajak wainkata wainkata ami, ami watkagmasum dushakam wakattawai tama jasa ijunas dii ijunu bakichk maam atinuk aents makichik chaichaitu wajakiu intashchik anchi anchiki itipka apijik itipjau tseken minau nunik waka wajantunak nunú aents ijunjaun wainkata wakattawai tusá ujaa wajatu shitaki ayatsui kuwaa abaunum ajua ajapau.

Dutikam nunú aents iikna iikna wajak imatu ukúmawai tabau ipamat pujuu pujuu wajai nayaimpinum jukaa wájama auna, untsu jimag mantamnatnunum jimag aents wakattaman maii apatuk shitaki ajug ukuuwak imaakjau.

Tuja nunú ipamat imatuk ipama wajakmataishkam naagki maamu aidauk iyashi najaimainak jiuchi witijis tepet pet waig ej ej ej wajai wajainakua anchi anchiki tsawaidau, nunu nuwa aishii pataetuk wee imaanidaun wainkau tusag ipamat ipama wajakmataig ipamat imankmataig nagkii maamuk senchi iyashiin najaima tusa inia muntak yamaikish augmattsamu. Nuna aatus waina pujai kashinia dui tsawag aishii chichajak amek wii nijii nenamtai uchi waketjukta uchi ditak batsamas nujantai waitu batsamiinum tama nuweshkam ayu tau.

Tutai idayak uchijii pinig nena nii jeentikiju awajaamua nuwi nuwa peemak akaikitnun dutika awajá idayak nuwen akateau, ajum yama kintama aniaig jui tantam pemkamakaikita tuja yamaikik weepa eke eke jegata tami tamin etsa apegmamtai ejapenig jakaim tusa atuu yantam juki awaja wakeega íman ishaamain akagunum takatkamat kaya piship shit wajakun inaktus ajum nijinum peemkam akae akaekawam ejapeantam akaekum au kaya wajaka au tuntupen jegattame.

Nunika amin aaú kaya au tuntupen chichágtatui nuniak diijus diijus diijus diijus wájágtatuui imatkuish ayampimek diisaipa nunú imatu ayampim diyamak diigshap najaneam nunú diigshap batsamas pampaamunum wetatme tusa nunú ímatuinakuish diitsuk nagkaikita nunikmek duka akae akaekawam ii jégama nui jegantatak aga ipanjamu nagkatkawama nui tsawau wajai jegattamae tama niishkam ayu tutai nuna ashii akates idayak ashanju jakaish wakitki tatai ati eesta amek wika juajui nampegmata tuina auna nampegmainakui pachiinkan pujusa nii niimkawan ashimmkagmatai ukuakun minittajai.

Dekas mina anennuitkumek ajum pemkamm akae akaekawam tsawakum jegattame nunikam kanaja tsawakum jimaja juajui ajanu weme yujumak egakam makichik ichinkanum iminkam shiig dausammaputugsata taa uwagmig tuja kampatumá jui suwa wejim juuka itam makichik pinignum dawam aputugsata taa nijamkamig nunu dutikam kintamkun tuntui awatúgta.

Dutikawamin wishakam nunú tsawantaik kintamkun peemkan akae akaekawan ipak usumta jui tsawakun taatjai tusa ameshkam kashik nijamanch namukam pinignum tsatsamsam apusam juga titu pujusam dakajumata nuniamin tatjai tusa ashi aka akates umijuk idaisau.

Nunik juwaki tikich nuwa, tikich jeganum ashinkamunum nuwi uchi ishiaka ukukbaunum weu. Nunik jegá uchi nujantai waitu matsátunum yajuak nuig kintamak nunu aishhi wetai patagak wee wakamunum nagkamas ashii nuwa aidaun aishmag aidaun uchi aidaun aatus ijúmag nii waikamunak ashii ujau, nunúi augmatbau jinkitin asamtai.



Nunik nuwi kanag tsawag uchi yajuak aishju jeajui pujusan dakastajai tusa jeen wegau, nunik wee jeen juga jegá juga japimak ajapa ukuak nagkaemaki ajanum wee ajanum jegá wekagas yujumkan egák juki juga tá iminak ekenak inajuk ijug shiig apa apá awajus buwitsa jekee etseétuk nija nijás egkea ápujak kintamu.

Nuniai tikish aents juga tikiju pujaunmaya etsa ashi akagai nijamchi umak pampaidau nunitai niishkam uchi saaki juwakug nijamanch umamunum niimak weau nunik wee nijamchi umuinak batsamtamunum juga nui pujus niimak pujau.

Nuní pujai kujanchmashkam tsúmain washuknama imau atin asa pushíí ajutpaejau washujun nugkuaju tseemtaji sasajin chigki tsatsapi tsee tseju awasamun tseemkau aents imanís yanchaptuchu yapí dukanapet wajam yapintin wajakin taa ekemsau, nunak yapí dukankapet wajam papintin ajakua nunak kujanchma nujii esagmama anin atin asa nunin aa wajaku, nunik waya ekemsantai nijamchi umak batsamtaushkam nijamchi shikik ajampedau dutkam uma umakua tikima etsa akaesattak wajai wajaki nampeau.

Nuniak: Ajegshapia, wajegshapia
wajegshapia wajegshapia
yuku yuku mejaekua
yuku yuku mejeakua.

Waja wajas nampeau, imatak tsek tsek tsek tsek tsek tsek, wajau imaniak tsatsap tsemtajin sasajin tsegagbaunak, tsak tsak, tsak tsak tsak wajau imaktai nuwashkam pujus dii wajainai mina aishmintsukai anentajai takug wajatkun tikima tuntupea imau tugket ijuu dutikam niishkam: jaj jaj jaj jaj jaj wajaku.

Ima imatkawa kintamak wii jujumkitkajamewii jujumkitjame tama ayu tau nunashkam tutai aujus ukuak chuu nemase nemase antumtiksatjai takug tuntui tug tug tug tug awatu.

Dutika watbaun nunu nuwé akateg awemau yakii pujau antuku, nunik antuk: chaj imatua mina nuwa anentia wii akatjamag nunak yangkeap umike, dutikau asampap yamai suwa juuk nuwa kintamak ajú tsawak taati tusa awatua anentaimu, nunik niishkam yaasu juuk juki niji nenámujin peemak akagu.

Nunik nigka nijamchi nampeak wasu wasugkamkawa kiyagmatai nuwatuk juki nuwaa jeen taa kanau, ima imaniakua tsawak nantaki nunu nuwa yujumak susam yuwa iju achija yuwami kashiik jinki wegak wasu wasugkamkawa weedau, nuniak nawanji ashii numpasuchin umaichijum batsasa pujumata tusa umayi ashii mumpashchin tikish ayatak wekaekaujau aputukiu, dutikam uchiskam nuna umaichijin batsas pujus dukuji wegamunum weta tukama dukuji ukukim buutu matsatu.

Nuní pujai apajishkam etsa imachik púwau jiinai yaasu juuk atsakuaku midau, nunik waitinum tantattak uchita batsatjumek tama diikma apaji wainak jeeje apaju minawai tuidau tuinam niishkam jega tseken waya nunú tseken waya nunú yaasjuuka takakbaunnuna uchijin ashi tinami idayak wajantú, nunik wajan dushaa uchuchi dukushaa tau tutai nunú nawanji ashiinumpaju auk apawa dukújut kujanchmajai nuwena weeme iju achija yuwami tusa ashinkame tau.

Tama kajek shinau nunik shina shinakua wajan wagka tujash ánik nemayatkush minash tuntuinash awaatujua wika nunaku tuntui awatkui mina nuwa imatua anentía tusanwii wii akatmamjan nunak yang umiku asampap yabai suwa juuk nawa kintamak waamak taati tusa awátujua tusan minakuag tau tutai aúk apawa kujancham nemase antumtiksajai tusa awatme tuntuinak tau, tutai kajek shinau.

Ima imakkawa yumigmag wika nunaku jakaish ataktú nantaki tataí atíi timakuag, jakaik ataktuuk nantashtai aábai, wájek akasmattai aábai wajegtuchutik juchatai atii waje yajaa nemataik kajetjetuk maa ajapin aábai, untsu nii imanis kajeachu wajeji yajaa nemataish ayatak katsumak ajápin atin aábai, nuní imachik kejeau ayatak suwima ajápin ati tiki kajechuchik ayatak akigsati tusa wajichin chichamjus wajich susam tuke antitsuk idayin aábai kusui.

Ima imatkawa wajan nawanjin akateau, nuniak ajum uchuchi duku támatai ujakta uchinak yajumjai time tita tusa ajum duku taamtai juna apag yásu egketjamkime tita tusa yaasu najishtainum egketak nui titigkin najatua egketkiu ajum nuna achiun ijúú waitkastinun dutika ukuak ajum duku juna achiaun titig ijum najai najaimakua ashii jaakuujui tishiptita dutiktsuk idaisam duka jakamtai nujantai waittsaim tusá dapútan súsá ukukiu dapuut taja duka makichik chigki ukunchi etsaakamu.

Nuna dútika ukuak kujanchman bakanchi najátua tuntuí waajin egketkiu ajum tuntui awattatus tuntui awatain numí juwak inuttaman uwegnum esai maati tusa.

Nuna dutika ukuak uchi ashii numpasun entsaki juwak nuni kuwigchin minaaki juki weu, nunik wee, wega wegakua nijii nenámunum jegan nui peemak waak shiig pushiijin initak wegak uchi kuwigchinak shiig ichiiki nina bijajin ekenas shiig tsukapchinum kuntuujin wegajuk emetuau.

Dutikak uchuchi diigshap batsatbaunum waaji diigshaap pampákuish diisaipa aúk wainak kayaitak diigsati tusa diijus, diijus, diijus, diijus wajaattawai imatkuish duka diitsuk minai tekemsam jasa asata tuja nunú wakejukim diyakmek ameshkam diigshap najáneam kayanum weeme jutiksanuk mai nayaimpinum iwagmaktajame áwi waka diyámak duka diigshap pampaa wajakuk kaya muun tsakaju átatui tusa aka akates juki shiig pushiinum yunchmitka entsas diigshap batsatbaunum wakau, nunik waka wegai diigshapnunú uchi antamak wakéjumain paampau.

Nunitai uchi tuntupnum entsákbaú, wakejúki wajúkuk imatua tusa diyau, nunikmá nuna diigshapi wainak diijus, diijus takug pishakama ánin najáneá nanak diigshap batsatbaunum akúmkaú.

Nuniai tikish kuwijush minakuakbau dushakam diis ukukiu najáneak ukukukukukukui, ukukukukukui takug supas, pas, paspa wajak ampujin nanchikiu dutikam nunashkam shitaki ajapau.

Dutikam agkajunum wajaiki wegak ukukukukukui, ukukukukui ukukukukui, wias, wias, wias, wias, wias, wajakui.

Nunikmatai kajak nunú diigshap najaneá wegaun yumigkiu, kusui apajii yajuakam wesa diigshapi diis uchi diigshap najaneaku tusa augmattai atin aábai kusuii usukiau.

Dutikanidayak ukukui najaneáunashkam yumigkiu kusuii apaji uchi yajuak emas diigshap diisaipa tabnaitakdiigshap wakéjumain pampautai wakejúki diis ukukui najaneau tutai yakii agkájunum wekayin aabai, uchi datsa besetan shinawai tutai káshikmasam shiinin aabai, untsu kakajam besetan shinawai tama etsa tegantai shinin aabai tuja untsu uchi ajaknutiin uchijum yapajawai tusa ujjatak tinu tutai etsa tutupit wegai ukukukukukui, ukukukukui wakai aabai ajutap ajutap ukukui ukukui wainkamjai tusa kaja atitai atin aabai iwainkagtín ajutap ajumiabai kusui usukiau.

Dutika ukuak wika nunaku uchí makishkish iwagmakainjas timakuag tusa kajea kajeakua weau, nunik ímu yaki iyai nunu niji nenámunak atia japikí júki emegkáku.

Duka múntak ataktú buukjug nantaki nuni wekaetin asag ayamtai wekagas tigkishpi buuke tsujintuk aepsau dutika aepsam duka tepa tepakua buukchiji tsujínkamunum sau pushu pushu wajau, imá imaniakua ataktú buukjug nantaki wegau. Nunú tigkishap nunik ataktu buukjug nantaki wejimú asa niishkam nina buuke tsupigka jujukmash ataktu buukjug nantaki taa wáketak nuní wekaenai.

Duka aiishig nuniku aí nuweshkam kujachmajai ijú achiak weu etsa tegai minak wasugkamjagkuta minau, nunik shiig aneas jegá kujanchmajai tsaniaku chaat wayau.

Núnittaman nawanji dukuwa apajuk taa wáketak uchii yajuak wakitkime nuniak ajum juna yuwati tusa anui yaasun egketjamkimi tusa ajum iju achigbau entakbaun uwakí juwakug jusá apujak waa waa wajau ímatak akachujin sayat atia juwakug kaje kajeemki iyau imaanitai nunú nina nawanjiuchiji sentai jigkamamujin aatítu.

Nuniai kujancham áwii wajau
 chuu chu chuu nemase
 nemase antumtiksatjai takug
 tuntui awattai jukitatus tuntui
 waajin kupet inuttaman nui
 bakanch akatja egkekbau
 egketu tikima uweja ímú tsajut
 esai ajapau dutikam ejeee ej,
 ej, ej, ej takug uwejen japiki
 juwakug jega ejapeen tupikaki
 wajan uwejen juinia uwejen
 tapit achik emetua janau, janau
 wajau, ima imatkawa tikima
 jaak tupikaki pegaknum tseken
 jegan waapak chaat akúmak
 tseke, tseke iya, iyakua tikima
 jaak ujukénak tup, tup, tup,
 tup, tup, ijai ijaima weetetseg
 kujancham ujuke chunuk najanea jaka tepesu.



Nunú nuniai nuwashkam waa, waa, wajasa yaas egkekbau jukitatus yaasun achittaman titig nuwi egketu tikima tsajam uweja ímu nanchiki ayautus pusut iju ajapau, dutikam dushakam najai najaimakua shuwii shuwii tikima jatai nunú nuwauch apajii dapuut susa ukukbauwai tishipti nunak dukujinak pegkeg emau.

Dutika tishiptim nigka pegkeg wee wajan diikma nunú kujancham najanea waapak chaat waig jaka weet etseg tepettaman wainak chah juninuma nema pujumag takug ujuknum dukai ijia achik juwakug japigkuta agá jiiki wáke weegaunum ejegan peet nagkimá wakee wegaunum tujakasua ajua ajapau.

Nunú yaunchuk uchiji yajuak emas ukukui najaneamtai tuu yumijau tusa timau, iinia muuntak ukukui kashik shinutaik aents datsaush besetan shinawai tusa puyatjus augmatajame. Untsu etsa tutupik wakai shinutai junak uchi ajaknutinak uchi nujantai waitiwai uchijum waamak wajukta tusa tutai, tuja untsu etsa tegai shinutai chaj aents kakajam besetan shinawai tutai. Tusa ínia muuntak juna átus augmattsamui.

Nunú aents núnik taa waketkiu ai nui dukap pujus chuwasghakam takaptuk jinak nugka iyag pujutag wajasu nunak namújin ujuyag kuntin jaka kautai yuu asag wajiyai ujuigkag jakaunash yuwati núdui tuke neje yutsuk yuja yujakua jiinak imánidau.

Tuja duka aentsu nuwa namuja suwak shiig emamkemam kaenjumin egkesta timaunak dutiksag yama juki ejemawaik shiig ijiis ijiis kaen egketajjin initak egkea shiig epe epees ekenas pujus núna wekaguweak wegak ujak diis ukuak wee kuntin yama jaun yau jakaun juu kayuka yupichuch wakemak agkeasai iju mau shushui wájin tepettaman wainak yupichuchi mau kashai tepau wainak mau awajak jeenig pai paina emak pegkagkanak pegka pegka pegkaki pujau.

Imaatiktai tikich aents chichainak aush wagka yaunchuk imátika maa yutsama nunash yamaish imátikash maash yuwawa tuidau, tú batsamtamu nunú aents ajá takaak wegak uchijin tikich ashii numpajun tikich ekeujai ápujak ajumjuajui yajáneas aents wainchatai taá amesh apa chuwasga namújin jukiu tawa dusha wainchawkum takuish atsa iik wainchauji titajum tusa uchijin aka akates apukiu dutika ukuak nigka nuwejai aja takak weu.

Nuniku aii dukap ása etsa dukap nanamai aents sutajak apu wajakin pushii puju washujun nugkuaju tseken tantau, nunik waitínum tanta anúmas diis uchi batsatun wainak uchita batsatjume tam uchishkam yakita tusa ehe pujaji tutai uchuchi minash waiti ujatjita wisha tan ijastajai tama uchishkam ayu tusa waitin ujátiu dutikam wayamtaí apajii chimpuijin jui ekemsata tusa ekentsau dutikam ayu tusa ashii niimu.

Nunik ashii niimas wajaki tsukin wajas wekaetau nuní nuni uchuchi amesh dekasmek juajui chuwasga namújin jukiu tinu ágma dusha tama duka uchi ashii mumpasuchik atsa iik dekachuji tutai tikich uchi ekeuch auk apag chuwasga namúji tusa jui egketun wekagak wegak ujak diis ukúwe tutai chíi uchuchi iish diismita wajukukita tama nunu uchi ayu takug wajatkug kuwakta tukama tagateau nunitai nii wajatkug tseken jegantun ichinak egketai eketun kuwaki juwakug jegá ejapén jusa apujus kuwat ujak diyau dutika wainak sayat atig diikma nuná niina namújin wainkau.

Nunik chíi juu timasha takug
ashii ijumag wegkuk juwakug
imachik aga jiinkin jiuchijun
ichiwastajai takug agá tseken
jiinki numi ajakbau ijinken
tseken wajai wajas pushiijin
shiiig namújin wegkuk achik
wajas yaki pagkai ashii niimu
nuniik niimas supatuk waja
tajakiu nunitai nunú uchi ashii
mumpaju numi takus wajau
asa awatta tukama uwetjau
nunia waamak yakian weu.

Duka ayumpuui pjuama
nunú aentsmaga pushii
puju nugquaju wayau tuja
aentsmaga waya wekaekush
aentsti shiiig wekaetayama
ániachu nigka aentsmaga,



waya wajaki wekaekush kagkajin tachagkuigkuta wekagu yabaikish chuwagkak tuní wekagama anin atin ása.

Nunik weu aii muun ajá takak weushkam tau etsa akagai nunikmatai nunú uchiji mumpaju apawa auk namugnak chuwag taa jukme yatsug ekeuchia nunú inamasmatai tusa ujam kajek najamak ushu dekapjattam inaktusam usaum nunú tusa jiyá jiyákua idaisau.

Nunik dui nagkamsag duka muuntak duik chuwagka namújin juki pujus kuntin maa yuu wajakbaunak iimanisagkek maa yuchau wajasu.

Nunú chuwag namúji jujukim nuna namúji awakeashlug ashii jinumain wajaku tusa muun augmattsamu.



Duik muun nuwee maamu

Duik muuntak
nuweenak tikish
aentsnum wainkag
mai apatuk maa ajape
wajakui senchi kajeen
ásaag.

Nunin asamtai aents
datsauch aidauk
nuwa nuwatkámunak
aútanakesh augchau
dushis diitnakesh dii
wajakchajui, nuwá jinta
igkuakush menanki
nagkaga wajaku

ainawai tsentsak jiinta masetnash masechu, iwájus chichatnash iwagsag chicháchu aa wajakú
ainawai.

Tuja nijamchi nampeenakushkam duik muuntak nuwénak, amesh wekaesam nampekta tusag
akupkag idaisachui tuke egkes wekagas nampea nampeakua kanak nijai betekak kanú wajakui.

Nunin ásag nuwee imachik kanaki iwajus nampeaun antugkag waamak juwakug agá tseken jiiki
buuknum pujuupju ijuumag ataktuu wakitki jega tsekwen wayau, imátiktai ásaag duik muunta
nuweg aishinak ishamin wajasu chichamenash umijin wajasu aa wajakui tukeé nuwe aika
ekajeamak mai apatuk maa maa ajape wajakui.





Nunii batsamin ainai makichik aents kanusa nujiya aatu ninii batsamin untsuji aents tutai, nunú aents batsatbaunum taa chichataiji asagmatai ijáju.

Nunik taa nui pujai makichik aentsu nuwe ekagmaku nunikmatai nunú aents nuwajai apatuk aishmagku maa ajapatakama wainmawaik mai tupikaki umkamtai wainkatakama emegkaak egau imáni wekaetai umpá wagka imátikame tama maii wainkan maa ajapatasan egajai tutai nunú untsuji aents inia muuntan chichajak atsa auk nuwanmag maanishtaya ayatak katsumdaitaya átumek nuwanum wainiakjum maani, shiwaggai maniau wajau ainajum awi imá jinin kaweetash iman kaweemainchau ainagme tama inia muun chichak, chií untsu tákumek itugtayame aanik ekagmaush ame dutijutuakia tama ayu jasta wii katsumjuktajame, tusa kuchii etsa etsake juki wegak makichik aentsun juki weu.

Nunik wega wegakua
 tikich jeganum jegá umpa
 umpa ekagmakma dusha
 waintsugme tutai auk
 awi pujume tikish juga
 pachis tama chíi wii jasta
 ausatjai tusa nunú aents
 nijaitsaniakbaujai jiinkug wee
 nunik wegak nunú aents nijai
 wegamun akáteau, nuniak
 wii wayan aúkui amesh
 kam nuwig tseken tantam
 wekagunig wajakimukuunum
 entsaetakum kuntuuji mai
 apatukam nanejam pagkukam
 emetuata dutikawamin wii
 kampakumaa awatin pai takui
 akupkata tusa akateau.





Tusa wega wegakua jegá jegá,
nuna aentsu wainak nii igkuas
aúju, núnitai nii tsaniakbau
wekagunig wajaki ukuunum
entsaetuk naneg kajuk pagkuk,
pai, pai tutai kuchií jujakug
pisupsu awattsawa ajapau, dutika
ukuak nuwanashkam dutiksag
katsumkau tikish jeganum
anúmak pujuttaman jegajií dutika
ukuak nunú ekákamun tajua,
aúk jutika tsagkuja apusam inaja
yuwata tau.

Timau ása duwi nagkamas
ayatak katsumdayin waigkájui,
dui yamaikishkam nuwe tikich
aentsnum wainkag ayatak
katsumin aa wajakui. Tujash duka
yamaik atsawai.

Aents atushat ajapamu minak chichakmau

Yaunchuk muun augmatmau (adan) tunamagmaum pachis, nunui nagkamas aents akii akiinainakua kuwashat aents yujakui.

Nunú muun aidauk paan tsumkagtin wajasu aidau, íman ásaag uchijjaish ijuntug yuchau muu muntak ijuuntug yuta yuinakush yuu wajaku ainawai, nanchikin dukap tsakapajunash untukag ajamsashmin anentaimtau, nuwi tsuwat egketu jaúk yutainum enkemaun yuwawaig tusaag.

Nuniidau asag yutai yuinakush uchinásh wegkuk suwau, dutikam uchiskam jukiag tsukinchinum tsukintush pujus yuidau.

Nunii batsamiin aidau yus aentsmaga iyáaju nayaimpinmaya nunik iyag wii magnikan minitaish wajinjutiajaintak tusa iyashiya aúk ayatak kuuwimak wajas minau, nunitai muun dekatkau pujamunum tau, nunik taa jegá wayata titatman nui muun pujau wainák jeeh yaita yaita ima tsumainush takug waiti paket epeti ajapau, dutikam niishkam wajas diis nagkaga tajakui.



Núnik wekae wekaekawa tikich jeganum jegau nunikmatai nuwi muun pujaushkam aikasag tsuwaag waiti epeti inaagkakiu dutikainam ashii jeganum wekagas wantiina wekagu, imáni wekaetaish iká imaunak wainkag tsuwá tsuwájag inagkedau dutikainam niishkam agaág nagkaema wekagu.

Nuní wekaekama tikima inágnak tikish muun pujámunum jegau, nunik minittaman wainak ikaag minaunak, wayata wayata takug waitin kuwat ujatíu, dutikam niishkam ayu takug wayau nunikmatai chimpui pegkeg paug wajakin niina ekeemtai pujuttaman juki aputusu, pai jui ekemsata tusa tama niishkam ayu tusa nui ekemsau.

Dutika ekenas nunú muun nuween chichajak, chaah ashanta nujin ipusam jujú, jujú uchi ajamsatas tama nuweshkam ayu takug nujinta pinignum ipujug juwakug jiinum taket enek inajuk enek juwakug mama awiimun dukai wegkuk juwakun jusa aputusu dutika niishkam, mama puuk jujúki tawa tawás yúmag amuka nunik pai jukita pinig tau, tama ayu takug pinigká júki ukuak úmtainum nijamnch uwámun juki jusaa susau.

Dutikam niishkam juki imáchik uwaág awagkiu, núnikmatai idayak pegaknum kamuushin aitus pai jui ajamsata tau, tama ayu tusa nui kanaju, nuník kanag tsawag pegkeg kuwimjinchau wajas tsawáju, nuniak pushiiishkam pegkeg púju wajasu iman wajas tsawagmatai muunchakam kuchí muunpag tepektaman maá yuwak ajampeau, dutika ajámpé wajak ikanjau, dutika ikanjam kanag tsawak muun aents nantaag ujuchi kutabiagtai niishkam nantaki eketu.

Ninik ekémas nuna muuntan akateau, nuniak pápag takamchau tsupijam ikajam muun papagmam umikta dutikam nui pápagnum wawá saipe ainjam nugka jukim ukakám umikta dutikam nuanui ame nujag dujajuamtai pujusam yumain ashii ájak aidau ajakta, dutikakum papagku ejapeen juga yaijush shiig jegamkam imikam tanísh shiig tanishmagta ditikam nuanui jegá esajiya awi tishiim numi esajam pakajam wegakam atusta, nujag duja dujajakua wegakui nayaim ijusam dekapsatin tujash nunú nayaim wasjiash takumesh amek muunmek ijusam dekapsaipa uchi ijusam dekapsata tita.

Tuja nunú payagkua nui nujag dujajak amuam kuntin minidau wainkumek maki makichik kuntin yajuakam utsaíta tuja ame papajuminig aents chichamá intimin aidau jukim awayawaipa aents tuwa aidaushkam jukiipa ekagbau aidaushkam jukiipa, amina pataim aidau etegsam yajuakam papajuminig chipimáta.

Nunikam waiti shiig epenim pujusta tusa ashii akateau nuna tusa ashii uja ujá idayak juka nugkak nuumpakne nuniau ása juka nugkak besegtakui juu nugka beseakug senchi yumi yutugtatuí ima imaniakua nujag abauji ashii nugkanak yutua bete wajas abau abau jaakua nayaimpin intaittawai, nunitai mina tsummjujaja duka ashii jináwantatuí tusa ukuak jiinki weu.

Tusa ujaka ukukim nunú tsawantaik niishkam aents batsaatun utug wekagas aents chichagtak nugka besegtatuí tujutne atumesh pee kakagtajum papág papajumatajum yumi senchi yutug nujag abauji nugkanak ashii yutuattawai tawai tusa etseju.

Tusa tutai tikish muun aidau chichajuinak, aj waitjakus tuu wekagatai yaa ninash nugka nuníi besegtatuí tusash ujaáwa nii nugka nunii besegtaui tabaun antauk nigki pápagnash pápapumati, iik wainkaik takakuik waitu batsamaitsuji wagkag nujagkesh dujájuashti aúk nujagkek nujagtiinin tuke dujajinai dui aúk nujagkek dujajuashtatua tusa dushikidau.

Tuinam nigki nunak chichamnak ashii etsejug ukuak jeen wakitki jeen pujus wáwa takamchaun tsupig ijumag shiig etsakek pápagmau nii ijunja pujámujai ujúntug dutika imik duwi wawa saepeg yajuak aiinag nuwi nugka utsai umiik ukukiu.

Shaan dusen maman sagkun pitúkan, tukán, kegken, inchin, yuwiin, namukun, manchupan, paampan, biikan, aátus dutika idayak numin pápagnum anug jigkak juga esagma jegamkau, dutika jegamak umiknshigkii dakag papa umik taniisha juki apak dita batsamsatnun jimaituk tesá pegaknash shiig pega pegakmas umiik idaisau.

Dutika idayinak jii tsupijag ijumag idayinak dita wajiichijinak yajuak nui ashii chimpia idayak numi tsejeg esagman júki shiig paka paks juga ésajin tishii etsápe atusu, dutika ashii umik adaisau.

Nunia aidauk tsawan pegkeg esaat tepeaunum batsamsag shiig dakuju batsatu.

Imanii batsatai yumi yutau nuniak yumi tsapai shikika ukam wajúkegama imániu makichik yumi kitámua duka.

Imánitai duka pápagku pápagma umikuk ashii nii patayi aidaun yajuak juki pápagnum utsáni titu chimpiju, nuniak kuntin aidaun pishaak aidaun nuwawai aishmagkun apatus juki juki chimpiau kuntin batsastin tesajuamunum.

Imá imatikakua nuna kuntin aidaun ashii yajuak waitijin epeni shiig asa asakus egkemsau.

Nuniai yumishkam chiwautsuk nunii nagkaemas chií chiii wajau, imanitai tikish aents aidauk yumi tepea yutak imániawai tuidau, tuu batsatai imá imániakua nujagkek bete wajas patamsau nuniak nujagkek machikish neetsuk ayatak abau abaujakua ikama utug minau nuniak aents nugka pakanum batsatúna yumi pimak amuja inimu.

Dutikam jiinag mujánini pisag shimuidau, nunik pisainaig nujagkek waamkes beetea beetea minitai pisajag muja muun tsakajuunum shiimuidau nuniai nunashkam imachik ásag ashii mujanash amug ayatak yúmik yajas patámsau. Imánikmatai aentschakam yuku yukumainakua jinawaju.

Duka nunik jiinuinaí nunú aents pápagkun pápagma umikuk nigka ayatak ashii papajijai takuniu, nunik yaki takuni wegak uchijin chichájak uchuchi payagkui ijusam takasta nayaim waasjiash tama uchjishkam ayu tusa payag pakaja jegá esajin jilbui ijus taka takakua wegau.

Imá imániakua wekama nayaimpin take ijuú, nunik íju kámpatumaá awena tak tak tak ijuau dutikantai ayatak duja dujájakua wegau nuig degáju.

Nunik nuwi degag aka akawa diipas kuyuau niniak pápagkun juki tsumunmannini diipas ebau nunia nuniakua namak ashí kuyuak juki ímu nugka wájámunum kukag aipkiu, dutikam nui nugkaag akaetsuk batsatu nugka ayatak kuntak wajamainchau pukus wajasu asantai.

Nunik batsa batsatai dukap ása nugka kunta wajasuu nanutai dupaa dupau nunitai nugká najas dekapes minamnatu atai titu batsatu nugkág akaetsuk, titu batsatu.

Nunii batsatai kantut nanaak weu wekaesawa taak tinchii jigkayin iyaak ajuaju, nunitai tsaj, yabaik nugka nanawastai pishaak tinchii jigkayin yúwa imawai tuidau, tuu tu ashí nugkanum numi tsapak muun waigmatai uchii uwegnumachiik najas diyau dutikam nunú uchi nugka nájakush amamchatai dita muun jiinkiaq nugká akaiki najas dekapes pegkeq katsujam atai jijag nui ajá ajamkaju nunik jeganashkam nuig jegamjaju, nunik nui batsamas ditak peempeentunikiag nuwa suda, sodayinakua kuwashat aents yujaku.

Imaan yujakag batsamas nunú muun yama nagkama pápagnum tepeau yachijijai chichas kanu yatsuju awagmi tusa awag pegkeq chuujam aidaun ajáqag kanú awakáju.

Nunik awaak umik umiik batsamsag yachijai chichaidau nuniak yatsuju ii nugkéq ii batsabiag nuwig waketja waja batsamsagmi tuidau, tusag nunu tsawantai jiiinagmi tusag chichama jintiaq umik idaisaju.

Nuniku ástag tikish tsawantai kayau kayaumjag júkiag jiiijau namaká aintiag miniinak, nunik yamaikik ijukkauk miniidau.

Nunik minii mininakua imajui minisag namap kampuam iyaakunum wakaag yatsuju ame muunji anuu eésta wii ajuntai utukan awi amamkatjai tusa yachijai kanaku nunik utuká yachijai igkúnikta taka takawa tukt minisag tikish namaka utuk weu, núnisag tikish namaka utuk weaju nunisag duka tikish aents wetin ástag ditak yama jinkiaj mininak ajuntainum nunii tsegkekag ama ammák miniidau asag nunikta tukama tuke nunisag tikish namaka utuk weaju.

Nunik tikish yachi megkaekamtai ukuak imu wesa nuwishkam nunisag tikish yachi chiwan aents tutai atin chiwan namakan utuk dushakam weu nunikmatai nujashkam igkuunikta taka takawa tuke dutiksag emegkak ukukiu nunia nuniakua kuwashat aents jiiijau ashii pampag megkaejau.

Nunik kanakg túke megkaejaju nii yachii chichak, yatsujush wajúkamkí wagkag kanakash juni junikash megkauinawa tusa puyatuidau, tujash nuninakush wakekjukigkesh niinischaju aimawai.

Nunik menkaejamtai nui nagkamnag jimagchik kanúnum miniidau nunia nuniakua ampuja nugkan wajuku, nunik nui kajig tsawag miniinat diipas kanu japikiag jiikiag minisaag menaakunum wakajapiki inagkakchamin dekapeak aú amain nunú yachi katigku nuniai tikish ukuunum minau nunú yachi katigbaunum wáka nigka kanu japikii inagkáki juu yantamnumag niig nunisag ninau nuniak yachi aú amain wegaujaj niiniakuk niiniakuk minidau nuiasua minai chichiwenum japiki jiiiktatus wajatai nunú tikish eemak minau nigka mena tuu yantam minau ása nigka niyá eemak majanú waka majanun wajau awajún atin aidau.

Nuniai tikish untsuja tuu
yantam minau niishkam
nunú yantamak kanús
iyákbaunum waka jukes
yatsujush wematai tusa
kanusa utúk weag túke
ninisag wampis najaneaku.

Junii muun pampagku
ainawai tugkinia jinag
mininak nunuú aents
muun pampagkuitak tikish
shiwag, tikish chichaman
chicháku jijau ainawai, jus
junikti tusa wakejutbau
ásag.



Tuja nunú nugka beseg, jujú majanu nugka juwig nujag kuyuák chichijamimá kuwashat waja wajakui anit wegaja juka iiman waigkui, tuja majanushkam senchi kuwaku nunú nugka beseja nuig, nuniku ása ímatu yamaikish yaunchmá antam sejee waja aunak.

Untsu kanús nugka aatu namak kuyuakush ayatak wiawiatk kuyua akaekiuwai nuniku asa aúk ima nugka paka weuwai machikish chichijam wajatuashbau ása.

Juna aatus ina muunji augmattsauwai duka ame tikish nugkanmaya papí agagbau augkumesh betekmamtin chichau ausattame, dusha wagkag tuush chichawa nunú shiig dekamainai.



Wajuk nuwena wajakmauwaita initiikish

Yamai dekaami initiikish wajuk batsamsamukita nunu. Duik muuntak tikima ishamain aa jaku ainawai initiikik nuwak kakagchau sunaya wajakchamui nuwentash yupichu aa jakchauwai, uchi datsas eke nampiimainchauk nuwanak kakajus jukichui, tuja antsau uchi nampiatsu duka nuwajai tsaniknash tsanigchauwai, nunin á sag yachii muun yachi ekeush tabau datema ekenak pujugsawa inagnak ukuak tuna wejii wekaetuu wajak yama taa yujumka kukagmas eketun nuwe ajanum wetai, wajejum ajanu wega nunú weme kukuchush yuwakum uchi dakajuta tama yachiskam uchush tabau muun datsa eketu ayuu takug wajakug umi juwakug wajeji wegmunum uyunak wegau.

Nunik wee wea weakua ajanum jega nui wajeji ajanum bikintuama annunum uchi kuitámak pujuju, nunii pujai wajeji ajanum wekagas umikak pai uchush itanta ajanmag wekaesajai wakitkimi tama niishkam ayu takug uchi juki ejetau.



Dutikam nuna uchi juwak chagkin yaig takugkimujin kegken, idaukan, papain kukuchan pagatan tsupijug awajuk chimpijua aituk aputusbaujin pai uchuchi anu jujumkita ajum jega ejegam jitumsa yuwamnum tama nishkam ayu tusa tsukapki juki mina minakua entsanum taa nuwi wajeji yujumka nijaak maatai niishkam nui nujinum pujus wajwji kegke idaukajai chimpijuamun nijapag juki jega iwaka apujus jisa yuu pujau.

Duik muntak, muun nawanjinnunak nawanjin segachainjash tusa anentaimtakug ijaak nuna muunta jeen jegaa eketu nuniai muun jii tsupigmag yajumak wekaetutaish niihs jiintuki jakasta munta wisha makichik juki ejeetuakjame tusa jiii tsupigbaun niish yaigka yajutuk ikautu wajakui.

Tuja tikish tsawantai ijajak jegajua nui kanag tsawai nunu muun takata takaak wetaishkam jaashta muunta wisha ame takakmin machik yaigka ukuktajame tusa pataetuk takatai yaya yayakua etsa tajimtai muun chichak junik takastajai ukukmi tutai ayu tusa ukuki jega taa puju puju munta pujumata wisha junik ijastajai tusa waketu jakui.

Tuja entsa nija yuwakushkam yugkunas juki ijaak ejetua muunta amesh juju yusata entsa nijasa yuwakuntakukin nunu tusa suu wajakui tuja namak ijuntuja nijámunmashkam namaka nija mainak ainta yujai yujainakua namak jau mijakmatai wajantaag nuna muuntan amesh muunta maimek tama ehe maajai tutai chagkinjin esas diijus amesh ajum achijuam yuwata tusa namak muun aidaun etegkeg bakichik yugkunmainun suu wajakui.

Tuja niish muuntash nawanji segaamash subaichakug eke takamuji yayamaitak: atsa, atsa wagka uchish minash takatnash yainkatasash wakejutawa auk muuntash nawanjii jujukiuku muunnash takatnash diyaku yaiyakua wii nawanju susamkag atakek atakek yaintsuk idaitusti tusa chichaman iwaintuk idaya wajakui.

Yaunchuk muutak áwee chuunak nawanjinak suu wajakchajui umayiín akínaun nuniashkush ikaa umayiinkesh akiinaun nawanjin suinakush sudaya wajakui.

Tuja nuna uchii apajijaish shiig chichasa pujushtaiji uchijinak suusachui, nuna uchi apajijaish shiig chichasa pujutajai uchijiin nawanji segamash sudaya wajakui, yaunchuk muuntak saíg tabaunak nawanjinak sujakchauwai.

Tuwanash túwak aa wajakchajui ikaa umayinash nii tikima ubaichijijai betek anentaímtu wajaku ainawai, ikaa umayin áwe akinaunash nii tikima ubaichijin akintsawa ibau anentuu wajaku ainawai.

Núnidau ásag ikaa yachi nawanjinash nii tikima yachiuchiji nawanjiuchiji anentuu wajakui, iniitiik muuntak nawanjin áwe segamash nuna uchii apajijai saíjai nii jeen jegagnayi nuwi kanutnayag tsawandayag aehaet nantagdaikiag waisa ekenak yukumpiniag ekeemtunis maii muuntak igkunia nuna uchi apajijai nunii uchish pujugtamsati takamchaunumkatia akiinau átini uchi takat takámuchinash diigmasu yaimpashkuish mina ujakata tujutkumin wii uchigtiinuk chichagkataji tusa jintias chicha chichas shiig chichama jintiag umikag ukuak waketuu wajaku ainawai.



Nunik nii jeen jegá kanag tsawak uchijiinash aehaet inanki waisa ekenak nuna ayukni ekenas diishjum takata takakuish yaigka jii esákuish diyaku tsupigsata nii wajinak átsumit nuniakuish shiig umigkata nii chichakuish mina chichameg antugtuwamum dutiksamek nii chichamesh antugkata, jii ekemása ujuch kutapmatnujish chipumash diyásu dakagsam atuttsata, waisa amuakuish diyásu wais kupisam shiig nijá nijásam anaasam ujutchijin detusta nuwemjaish kajegdaikaipa, tuja núwe iiki jiyataish aipawainkam dakímak wegajín yayatsui tama aipa tusa ashii jintintus jiya jiyas idayas.

Diwi imá shiig uyumá aneakas diitchji nawanjinish nuwee wajaku ainawai, dutikamu ása muuntak imá shiig nuwena pujusájui, tujash nuwa tsakajun suwak dutikainachu, ayatak magkasuchin pempentus ayautus aepju wajaku ainawai.

Duik muuntak uchijinak uchi eke tsakagchamnunak aehaet inanki shiig jintintus chichajuu wajaku, imá imátjakua muun wetai nuwa tsanigmáwaipa uchúchitkum, uchúchitku nuwa dijiiaik tsakajá dukapesh pujutsuk waamak jataya tusa tuu wajakbauwai.

Nuwa nuwatkamush iina umayichuuk augchatia nuwentin wajintúk aujua tusa kajegkúwa, nuwa nuwatkamush tikichi núweg kasamchatia nuwentin waituk kajemtinuk mántuwa tikichi umayish aishinchawaitamjama yaki sujimjsmkati tusaik wainkaik jukishtinaitkuik tsanigmashtaya dutikkamá ejapmitkaka umaintin kajegtuk katsumjuwa.

Tikichi antsujiiish juchatia antsugtin kajegtua, nuwa sujitkash juchatia antsugtin kajegtua nuwa sujitkash juchatia sujitak jukiutiik wainka kajejam wekaetaya muun nawanjiin sujitjaigkik tsanigbaish jujukik tupikaushtaya muun kajegtuk shiig pujuschatnun yumigtua.

Nuwak uchitik igkuasaish augchatia etsejiin akútuwa dutíjuamtai wainka dakuu enechu wajasa dushia dushia wájaku wainka kajegtai wekae wekaekawa jaka ajapnatia, nuwak iwagtusaish dushikchatia pataintin kajegtua, jinta ninís nuwa chichau antakuik waamak jintá yantam nenagki akúmka ujigmasa jiu jiu jiu, akúmtaya uchitinak ina wakani yawaya íman nemagtaku wekaga nunú tutsuk akumka ájinig nuwa igkug etsé kujagmatai tunamatia tusa, umaajaish wasugkamchatia shupagtaya nunika tsetsé tsetsekak wee jii tagki tagkijiakua washu washuuki jataya.

Muun iwájus
chichainakuish iish
pachiinkaik iwagchatia
tuú wekaeduwe tusa
dushikiam wekaetaya
tikichi iwagtutaish
achatia, nijamash
uwagmi tuinakuish
ayuu tusaik uma
umakuik tikish jeganmak
kanushtaya, nunú
wekaejin tikish uchi
nuwa kanag tepaun
achik auwa achigka
tama wika achiasjai aúk
auts achikatai tusa ina
wainak anagmatuamtai
wainka suwimam
wekaetaya.



Nijamash uwagmi takat yaimka ájin tujutuinkuish ijutú wajaka etsa akaekui tsawaig waketuu tajatia ina jeen, nuwa kanas tepaush káshiik achishtaya, wainkaik káshi takájatnuk achatia.

Nuwennutiik ijágkash wekaetushtaya nuwa nigki apukuik, tsentsakash jintag baseshtaya, nuwash nijamanch umamunmash igkuaik nampegchatia kajejam ataya, uchi waugnujaish tsanishtaya tusa.

Chichajuu wajakui. Duik muuntak nawanju ayatjaku egaka yuwak ajamjustinme tuu wajaku ainawai tínu asa nigka takata weják aweenak ame kuntin maata tusa awemaa wajakájuí. Imátika chichagtai ástag uchik shiig ebetug anentaimkau tsaká wajaku ainawai, nuninak jintá ima senchi tepesaju ainawai, pujuta pujuta wainkatatus, imátka chichagkamu ása, nuigtush jintá senchi tepee wajakaju ástag nuwa jukish shiig batsamsajui.



Duik muun nuween ejape uchi jujukmau

Duik muuntak shiig dekachu aa wajaku ainawai, núwe uchigmatknak nuwashkam uchigmatnak shiig dekachu aa wajaku ainawai, nunin ásaag, imánikag yujainachu.

Nuwe ejapjukmataish maak ayatak eja ejape jujú batsátu ásaag nuwauchi jukishkam nigki amu amuntsuakua tsakapag nigki nuwatuu wajakui, tuja aishmag akiinamtaig ayatak tsakapag idayaa wajakui, nuníi batsatu ásaag aishmag imá kuwashat aa wajaku ainawai nuwak wajumchikiush.

Nunii batsatbaunum makichik nuwa ejapjuku, nunik ijaaju, ijaag uchi jujetan jegasa pujaun aishii chichajak ushiik ukuamu tujuag patátun yambai ame weta ushiik diuta tusa awemau, tusa aishii tima ayu tusa ajanum weu, nunik ajanum ushiik ukuamunum jegan wekagas tugkitka takájak wekagas buutu wekagu, nunii wekagai katip utujai tajunta.



Nuwa ajanum ushki tajajak buutu wekagun katip ata Nunik auju nuwauchi wagka buutme tusa iniam nii chichaak iyá chichagtak ajúm maatjame tujutme duwi buutjai tau, iik maaku ejape uchi

jujutai ainaji uchik jujechu ainaji tutai, katip utujai chichajuinak wagka amesh ibawaitkumesh uchis jujechuitme wika wagka juuninchinush uchinak imatikan jujenaitja wika wagka jachauwaitja tusa auju, wagka tyuwag kashaik, yuwag kayukak, yuwag utuk, uchinak kuwi kuwigchinak patátua wagka iibautish jaash pujutiame iik wagka kuwi kuwinchik patatin ainaji atumesh wagka junii batsamin ainagme.

Tusa jasta anii pujusta duka aintsam tusaa duka aitus apujus jui najaimaa pujuta wisha diyaku atagme tau.

Katip nuwá chichajak: nawanjuchiju minash ushkijum tesagtusta wisha uchii ayugtumatjai tama nishkam ayu tusa katipin tesajua utu tesajua, awakau dutikam utuk nigka uchii batsatug yuwak pujau tuja katipshakam uchijin ushkin batsatug ukuak nigka nuna nuwan kuitamak pujúju, nuniai nigka utuk ukuachu duse yuwamunak.

Nuniai nigka katipik nuwig pujujus junii pujusta aája pujutia junii nanetia tusa nii uchin nanétu, tajaanáa pujusta tsuntsuma pujusaipa dakagasa pujusta awáju nuwan, nuigtu numí ajintua, ayaúntamkui jui achimkata tusa ashii ujau tii pujujus dii pujujai senchi najaimau.

Núnitai utun untuká ame tantam kaiju shitagka ame imá waá waámak nantámune tusa tamash nigka wika eke yujuyujumjai tau, tutai tútsuk waamak tantam shitagta tusa imatjau, tamash jasta ushki amuktajai tuu pujau.

Nigka tuu pujai tikima dajautai nigki katipik uchi jujehtinun ukunch intaniakun puti, puti dapugtua iwagtus duwi kaju, kaju shitag uchigmitkaku.

Dutika utun utsuká ame tantam jekejata wika waamak nantatsamjai nuninaitkun shitagjai, tusa ame ima waamak nantaamume tau, tama, ayu tusa nii jekeejau, kajaunkauchi jujuki penuntus pijájin enketug susau.

Dutika aweemak aishum utugka
uchigmákume tujamkuish
weká wekágai dajautuamtai
shitaamastakaman uchigmakjai tita
tusa akate, tama ayu tusa niishkam
jeen wakitkiu.

Nunik jeen wakamtai aishiishkam
wajupa asaag wakat tusa daká
pujúju asa etsa akagai wakamtai
diikma uchi egkeaju minitai,
utugkamea uchigmákume tama
dajaujuamtai shitamastakaman
uchigmakjai tusa aishin uja.

Nigka aishiin chigkama ipujúk juki
ata atamjus tepau waakui ejapetjai
tusa nunii tepau nigki jujegmatai
ayatak kájejuk jiyau, dutika jiyá jiya
nigki uchi juki amuntsuak pujúju.

Duikik nuwak nuntsugtuchu aa
wajaku ainawai, nunin ásag uchi
uchigmakash imaa aishmagnak suu
wajaku nii muntsugtin asamtai nii
amuntsuati tusa imá aishmagkuk
muntsugtin aa jaku ainawai.



Initikik nuwa aina duka muntsugtuchu aa wajaku ainawai, nunin ása nuwak uchi uchigmakash jukichaju ainawai, uchigmáakash ayatak aishmagnak suu wajakui dutikam dita amu amuntsuakua tsakapaidau, tuja uchi jujetnashkam nuwa jujegmatai tikish aidaush kautiudau minash jintinjuati tusa, tusá kautam niishkam aaja uchigmanme tusa jintinkagtau nunia nuniakua ashii dapampag unuimákaju, nuni uchi jujetan unuimaju ainawai.

Nunii batsatu ása uchi ashii anetuk yajutuk dita aishmag uchimak kuitámainak nuwe chichiman umijuk, ditash aentsu main atinme tusa nagki tinamak ishiimu aents maatajum tusa ditak aishmagkuk jegá uchi tampujus kuitámainak batsatak tima ayau kayaugmak ashinaa wajakui.

Nunik ashinak yuja yujakua mujanum wakag aawin akagag ashinak entsanum jegawag tsuntsu juuk ujikin kajeg awakag nuuna apatus yuiyuinakua yujumkan amukag waketuinak dita kajegbaun aakan pukuk ajuantag, ijug waketuinak kayau imachik ampintsaunash nagkimák utsag ukukiag waketug minis juga kaunkaun wainkaju aiishi. Nuntsugtin weu ainawai.

Nunik wainak chah, ashanta aishin bakúmatsush tujutmestai tusa tau, tama nii ayampatak eenta chah anush tuu wekaewa takug chigkimi juwak wekagu tusa pempenu aishmag nina muntsujin putik tsujin juwakug, ayampakug tikima detsepa imau paat tukuta tukama nagkiam ayampaun tikima tuntupea imau paat tukú ajapau.

Dutika tukum chuu takug jaa jaa jaa jaa jaa tita tukama jujajai wajaku, tuke dushin atin ása, takug ayampak muntsugtin ayampáu, nunii aishmag muntsujin nuwa susauwai.

Dukik nuwa tuntupen detsepega au aa wajakui tuja aishmagtinushkam juu detsepnum muntsu piipish awa au tsujigka jukimu asa anin, nuní nunikui juga aaja muun tibauwai tusa nuwashkam nunin.

Yaunchuk muun taka wajakmau augmattsamu

Duikik muun aidauk apachi wajjijnak shiig waina wajakchau ainawai, antutnakesh antukchaju, nui apach najanamu sumamu tawai tamaunakesh núnidau ásgag ditak apash waji aidau sumaka takatnak machikish anentaimtu wajakchaajui.

Tuja nuniidau ásgag inia muntak ditak takagmama wajaku ainawai wajinak nugkus pujustinme duwi ditak waitinakush ayatak batsamá wajakchau ainawai, ditak taka jaku ainawai sENCHI imániank utusaik iish dekaawag ii tikish wajish jutiiki najana takat dutika iish iik najana takasaajag tuidau.

Tusag ditak ashii wajin wainak takaidau, tujash nuna tuinakush jintiag nuwáp nunii takamainita tusag anentaimtuinachu nuniidau ásgag iish junia juniakuish wajukatnukitji tuidau, tuu batsatu ásgag ditak wainak takaidau kuntuinu ukunchiinash juidau, duik muun taká wajakbau jujú ainawai.

Paki nai, paki naínak shiig etsaka taká wajaku ainawai tsejegchin basejag kanampa numijin uchuimainak aatus.





Kumai, kumainak batae káti yama takau
punuka pampaesattak wajasuama
ibaun kupik jukiag shiig achíidiag
dijag pegkeja pujú jujugmatai yajujag
apigtumá wajaku ainawai kamushin,
kamushi yajug najana wajaku ainawai,
wapachin, nuigtush kubai yajugbauwai
apika éma yajagke nenag emak chigki
maa yuujaku ainawai.

Junak yajutug kanampa ayakush
jigka wajakui, juu yajugbaunak ditash
akachumá wajakajui, junak tsejegchi
yajus iwagmamtaijinash wegash pee
wajaku ainawai, nuwa aidaushkam.

Kamush, juka kamushiik makichik numi ikam ainai, juka nantu taka antuma ániakui ajáka saepee pákai jutayai, junak ajakág saepe pakaidiag saepe awanken shiig emamkes achii ajapjuawag initken shiig dekeg juu wajaku ainawai, asepaktinumnuwe apegatnun nii itipjuatnun ainka kanagtinun aatus.



Kanam, kanam tawa nunak kaya katsujam kuntujeasbaun juu wajaku ainawai nuna tawai, nunak makichik muun nuna yupichu juu nunú muun kashikmas yujumka yutsuk chagkina juki namaka akaiki yajuma wajakui dutika iwák tikish aidaun tinamá wajakui dutikam ditashkam pushiin sunayaa wajakajui, kanampaik ajá ajágmak numi tsejegkush aidaun ajaa wajakájui tujash kampugmanak ajaa wajakchajui duwik beeknash beekmaa wajakajui, duwik kuntinnash awati mantumá wajakajui.





Duwe, duwenak nuwa aidau yukuuku
saepen ujug jukiag nuna shiig apek
tatagnum batsak dekekgag duwi
pachijag shiig bukusea awajus taká
wajaku ainawai junak aishmag aidauk
takaschauwai, juka nuwa takatii aa
wajakui.

Juna ajaná wajakajui, ichinkan
buwitsan pinigkan yukuntan yumi
shikiktinun buwitsa uchijin aatus.



Ipak, ipaknak takajaku ainawai,
buwitsan ipakuak, pinig shikika umutai
aina nuna jaanchin egkeenak dita
usumainak aatus.

Suwa, suwanak taka wajaku ainawai dita
nuwa usúmainak iyashiin paintúmainak,
intashin dapas ashigka tusa, nuigtush
intash yagkukin ai tusa suwá juuka ijumag
kuugta kagkaji pújiama nuna jujukí dui
kesaja apujus jakigmatai intashiinash nijá
wajaku ainawai, yamaikish nunak takauk,
takau ainawai.



Ujuch, ujuushnak kutamjag najana
wajaku ainawai itipkan nuwe apegatnun
buchakin tseemkan, senyan dita intashi
pempagtinun nuwe buchak jigká
pegatnun tijigsan ichii wajaku ainawai.





Kaap, kaapnak najana wajaku ainawai,
chagkinan, sukun tukupin, tikichin jega
jegámku minag pataja tsentsanak
aidau jiigkak atsumá wajakajui,
jega jegainak taniisha jeenak,
nuigtu yamakish takainawai japimku
najanawag suijuinawai.



Pumput, pumputak najanamu numi
kagkapen nunak takasájui nijamchi
ijuinak, mamán tsaik ekenak, dusen
shaan atus.

Pegkae augmatmau

Pegkae, pegkae, daúm, takae, jujú aina
 juna puwajin aishmag aidauk awati jukiag
 juga itáwag ichinkanum yajaa jiiinum ekenak
 ukúu ukuukawa, kanteke ajatin bukusea
 wajasmatai juki duwi kanamjin shiig pegka
 pegkahas katsujam awajus awatu wajakui,
 tuja duwik uumjinash kuwee wajaku
 ainawai, untsu nuwa ipakjai pachimag
 pinigkan buwitsan aatus awanken ipaktú
 wajakui niime pegkeg atii tusa, tuja ipakjai
 pachimtsuk buitsa initken ajuntuu wajakui
 nijamash yajaam waamak yumi utujai
 tusa, aikasag pinignashkam ajuntú wajakui
 nijamash shikika umam yumi utujai tusa.



Wampush augmatmau



Wampush, wampushnak takaa wajakajui
tsentsaka paig pishakan umpuntuinak junak
tikish takatnumag takaschajui.

CARTA DEMOCRÁTICA INTERAMERICANA

I

La democracia y el sistema interamericano

Artículo 1

Los pueblos de América tienen derecho a la democracia y sus gobiernos la obligación de promoverla y defenderla. La democracia es esencial para el desarrollo social, político y económico de los pueblos de las Américas.

Artículo 2

El ejercicio efectivo de la democracia representativa es la base del estado de derecho y los regímenes constitucionales de los Estados Miembros de la Organización de los Estados Americanos. La democracia representativa se refuerza y profundiza con la participación permanente, ética y responsable de la ciudadanía en un marco de legalidad conforme al respectivo orden constitucional.

Artículo 3

Son elementos esenciales de la democracia representativa, entre otros, el respeto a los derechos humanos y las libertades fundamentales; el acceso al poder y su ejercicio con sujeción al estado de derecho; la celebración de elecciones periódicas, libres, justas y basadas en el sufragio universal y secreto como expresión de la soberanía del pueblo; el régimen plural de partidos y organizaciones políticas; y la separación e independencia de los poderes públicos.

Artículo 4

Son componentes fundamentales del ejercicio de la democracia la transparencia de las actividades gubernamentales, la probidad, la responsabilidad de los gobiernos en la gestión pública, el respeto por los derechos sociales y la libertad de expresión y de prensa. La subordinación constitucional de todas las instituciones del Estado a la autoridad civil legalmente constituida y el respeto al estado de derecho de todas las entidades y sectores de la sociedad son igualmente fundamentales para la democracia.

Artículo 5

El fortalecimiento de los partidos y de otras organizaciones políticas es prioritario para la democracia. Se deberá prestar atención especial a la problemática derivada de los altos costos de las campañas electorales y al establecimiento de un régimen equilibrado y transparente de financiación de sus actividades.

Artículo 6

La participación de la ciudadanía en las decisiones relativas a su propio desarrollo es un derecho y una responsabilidad. Es también una condición necesaria para el pleno y efectivo ejercicio de la democracia. Promover y fomentar diversas formas de participación fortalece la democracia.

II

La democracia y los derechos humanos

Artículo 7

La democracia es indispensable para el ejercicio efectivo de las libertades fundamentales y los derechos humanos, en su carácter universal, indivisible e interdependiente, consagrados en las respectivas constituciones de los Estados y en los instrumentos interamericanos e internacionales de derechos humanos.

Artículo 8

Cualquier persona o grupo de personas que consideren que sus derechos humanos han sido violados pueden interponer denuncias o peticiones ante el sistema interamericano de promoción y protección de los derechos humanos conforme a los procedimientos establecidos en el mismo. Los Estados Miembros reafirman su intención de fortalecer el sistema interamericano de protección de los derechos humanos para la consolidación de la democracia en el Hemisferio.

Artículo 9

La eliminación de toda forma de discriminación, especialmente la discriminación de género, étnica y racial, y de las diversas formas de intolerancia, así como la promoción y protección de los derechos humanos de los pueblos indígenas y los migrantes y el respeto a la diversidad étnica, cultural y religiosa en las Américas, contribuyen al fortalecimiento de la democracia y la participación ciudadana.

Artículo 10

La promoción y el fortalecimiento de la democracia requieren el ejercicio pleno y eficaz de los derechos de los trabajadores y la aplicación de normas laborales básicas, tal como están consagradas en la Declaración de la Organización Internacional del Trabajo (OIT) relativa a los Principios y Derechos Fundamentales en el Trabajo y su Seguimiento, adoptada en 1998, así como en otras convenciones básicas afines de la OIT. La democracia se fortalece con el mejoramiento de las condiciones laborales y la calidad de vida de los trabajadores del Hemisferio.

III

Democracia, desarrollo integral y combate a la pobreza

Artículo 11

La democracia y el desarrollo económico y social son interdependientes y se refuerzan mutuamente.

Artículo 12

La pobreza, el analfabetismo y los bajos niveles de desarrollo humano son factores que inciden negativamente en la consolidación de la democracia. Los Estados Miembros de la OEA se comprometen a adoptar y ejecutar todas las acciones necesarias para la creación de empleo productivo, la reducción de la pobreza y la erradicación de la pobreza extrema, teniendo en cuenta las diferentes realidades y condiciones económicas de los países del Hemisferio. Este compromiso común frente a los problemas del desarrollo y la pobreza también destaca la importancia de mantener los equilibrios macroeconómicos y el imperativo de fortalecer la cohesión social y la democracia.

Artículo 13

La promoción y observancia de los derechos económicos, sociales y culturales son consustanciales al desarrollo integral, al crecimiento económico con equidad y a la consolidación de la democracia en los Estados del Hemisferio.

Artículo 14

Los Estados Miembros acuerdan examinar periódicamente las acciones adoptadas y ejecutadas por la Organización encaminadas a fomentar el diálogo, la cooperación para el desarrollo integral y el combate a la pobreza en el Hemisferio, y tomar las medidas oportunas para promover estos objetivos.

Artículo 15

El ejercicio de la democracia facilita la preservación y el manejo adecuado del medio ambiente. Es esencial que los Estados del Hemisferio implementen políticas y estrategias de protección del medio ambiente, respetando los diversos tratados y convenciones, para lograr un desarrollo sostenible en beneficio de las futuras generaciones.

Artículo 16

La educación es clave para fortalecer las instituciones democráticas, promover el desarrollo del potencial humano y el alivio de la pobreza y fomentar un mayor entendimiento entre los pueblos. Para lograr estas metas, es esencial que una educación de calidad esté al alcance de todos, incluyendo a las niñas y las mujeres, los habitantes de las zonas rurales y las personas que pertenecen a las minorías.

IV

Fortalecimiento y preservación de la institucionalidad democrática

Artículo 17

Cuando el gobierno de un Estado Miembro considere que está en riesgo su proceso político institucional democrático o su legítimo ejercicio del poder, podrá recurrir al Secretario General o al Consejo Permanente a fin de solicitar asistencia para el fortalecimiento y preservación de la institucionalidad democrática.

Artículo 18

Cuando en un Estado Miembro se produzcan situaciones que pudieran afectar el desarrollo del proceso político institucional democrático o el legítimo ejercicio del poder, el Secretario General o el Consejo Permanente podrá, con el consentimiento previo del gobierno afectado, disponer visitas y otras gestiones con la finalidad de hacer un análisis de la situación. El Secretario General elevará un informe al Consejo Permanente, y éste realizará una apreciación colectiva de la situación y, en caso necesario, podrá adoptar decisiones dirigidas a la preservación de la institucionalidad democrática y su fortalecimiento.

Artículo 19

Basado en los principios de la Carta de la OEA y con sujeción a sus normas, y en concordancia con la cláusula democrática contenida en la Declaración de la ciudad de Quebec, la ruptura del orden democrático o una alteración del orden constitucional que afecte gravemente el orden democrático en un Estado Miembro constituye, mientras persista, un obstáculo insuperable para la participación de su gobierno en las sesiones de la Asamblea General, de la Reunión de Consulta, de los Consejos de la Organización y de las conferencias especializadas, de las comisiones, grupos de trabajo y demás órganos de la Organización.

Artículo 20

En caso de que en un Estado Miembro se produzca una alteración del orden constitucional que afecte gravemente su orden democrático, cualquier Estado Miembro o el Secretario General podrá solicitar la convocatoria inmediata del Consejo Permanente para realizar una apreciación colectiva de la situación y adoptar las decisiones que estime conveniente. El Consejo Permanente, según la situación, podrá disponer la realización

de las gestiones diplomáticas necesarias, incluidos los buenos oficios, para promover la normalización de la institucionalidad democrática. Si las gestiones diplomáticas resultaren infructuosas o si la urgencia del caso lo aconsejare, el Consejo Permanente convocará de inmediato un período extraordinario de sesiones de la Asamblea General para que ésta adopte las decisiones que estime apropiadas, incluyendo gestiones diplomáticas, conforme a la Carta de la Organización, el derecho internacional y las disposiciones de la presente Carta Democrática. Durante el proceso se realizarán las gestiones diplomáticas necesarias, incluidos los buenos oficios, para promover la normalización de la institucionalidad democrática.

Artículo 21

Cuando la Asamblea General, convocada a un período extraordinario de sesiones, constate que se ha producido la ruptura del orden democrático en un Estado Miembro y que las gestiones diplomáticas han sido infructuosas, conforme a la Carta de la OEA tomará la decisión de suspender a dicho Estado Miembro del ejercicio de su derecho de participación en la OEA con el voto afirmativo de los dos tercios de los Estados Miembros. La suspensión entrará en vigor de inmediato.

El Estado Miembro que hubiera sido objeto de suspensión deberá continuar observando el cumplimiento de sus obligaciones como miembro de la Organización, en particular en materia de derechos humanos.

Adoptada la decisión de suspender a un gobierno, la Organización mantendrá sus gestiones diplomáticas para el restablecimiento de la democracia en el Estado Miembro afectado.

Artículo 22

Una vez superada la situación que motivó la suspensión, cualquier Estado Miembro o el Secretario General podrá proponer a la Asamblea General el levantamiento de la suspensión. Esta decisión se adoptará por el voto de los dos tercios de los Estados Miembros, de acuerdo con la Carta de la OEA.

V

La democracia y las misiones de observación electoral

Artículo 23

Los Estados Miembros son los responsables de organizar, llevar a cabo y garantizar procesos electorales libres y justos. Los Estados Miembros, en ejercicio de su soberanía, podrán solicitar a la OEA asesoramiento o asistencia para el fortalecimiento y desarrollo de sus instituciones y procesos electorales, incluido el envío de misiones preliminares para ese propósito.

Artículo 24

Las misiones de observación electoral se llevarán a cabo por solicitud del Estado Miembro interesado. Con tal finalidad, el gobierno de dicho Estado y el Secretario General celebrarán un convenio que determine el alcance y la cobertura de la misión de observación electoral de que se trate. El Estado Miembro deberá garantizar las condiciones de seguridad, libre acceso a la información y amplia cooperación con la misión de observación electoral. Las misiones de observación electoral se realizarán de conformidad con los principios y normas de la OEA. La Organización deberá asegurar la eficacia e independencia de estas misiones, para lo cual se las dotará de los recursos necesarios. Las mismas se realizarán de forma objetiva, imparcial y transparente, y con la capacidad técnica apropiada. Las misiones de observación electoral presentarán oportunamente al Consejo Permanente, a través de la Secretaría General, los informes sobre sus actividades.

Artículo 25

Las misiones de observación electoral deberán informar al Consejo Permanente, a través de la Secretaría General, si no existiesen las condiciones necesarias para la realización de elecciones libres y justas. La OEA podrá enviar, con el acuerdo del Estado interesado, misiones especiales a fin de contribuir a crear o mejorar dichas condiciones.

VI

Promoción de la cultura democrática

Artículo 26

La OEA continuará desarrollando programas y actividades dirigidos a promover los principios y prácticas democráticas y fortalecer la cultura democrática en el Hemisferio, considerando que la democracia es un sistema de vida fundado en la libertad y el mejoramiento económico, social y cultural de los pueblos. La OEA mantendrá consultas y cooperación continua con los Estados Miembros, tomando en cuenta los aportes de organizaciones de la sociedad civil que trabajen en esos ámbitos.

Artículo 27

Los programas y actividades se dirigirán a promover la gobernabilidad, la buena gestión, los valores democráticos y el fortalecimiento de la institucionalidad política y de las organizaciones de la sociedad civil. Se prestará atención especial al desarrollo de programas y actividades para la educación de la niñez y la juventud como forma de asegurar la permanencia de los valores democráticos, incluidas la libertad y la justicia social.

Artículo 28

Los Estados promoverán la plena e igualitaria participación de la mujer en las estructuras políticas de sus respectivos países como elemento fundamental para la promoción y ejercicio de la cultura democrática.

Banco del Libro

INSTITUCION EDUCATIVA:								
DEPARTAMENTO:				PROVINCIA:				
^DISTRITO:								
Año	Grado	Sección	Nombres y apellidos del alumno	Código*	Condición del libro ^			
					Recibí	Firma del Padre	Entregué	Firma del Padre

* Código = Número de orden del alumno Condición del libro:

- A = Nuevo, completo, limpio, sin deterioro.
 B = Completo, se puede borrar algunas marcas, sin deterioro.
 C = Con marcas que no salen y con deterioros subsanables.
 D = Inutilizable, requiere reposición.

¿Cómo cuido y limpio mis libros?

- Forro mi libro con plástico o papel y le coloco una etiqueta.
- Limpio mi libro con una franela.
- Uso mi libro con las manos limpias y en lugares apropiados.
- Realizo las actividades en un cuaderno u hojas de trabajo, sin rayar ni escribir en mi libro.
- Evito doblar las puntas y que se manche con líquidos o dulces.




¡Cuido los libros porque otro niño los utilizará el próximo año!

SÍMBOLOS DE LA PATRIA



BANDERA NACIONAL



HIMNO NACIONAL



ESCUDO NACIONAL

Declaración Universal de los Derechos Humanos

El 10 de diciembre de 1948, la Asamblea General de las Naciones Unidas aprobó y proclamó la Declaración Universal de Derechos Humanos, cuyos artículos figuran a continuación:

Artículo 1.- Todos los seres humanos nacen libres e iguales en dignidad y derechos y (...) deben comportarse fraternalmente los unos con los otros.

Artículo 2.- Toda persona tiene todos los derechos y libertades proclamados en esta Declaración, sin distinción alguna de raza, color, sexo, idioma, religión, opinión política o de cualquier otra índole, origen nacional o social, posición económica, nacimiento o cualquier otra condición. Además, no se hará distinción alguna fundada en la condición política, jurídica o internacional del país o territorio de cuya jurisdicción dependa una persona (...).

Artículo 3.- Todo individuo tiene derecho a la vida, a la libertad y a la seguridad de su persona.

Artículo 4.- Nadie estará sometido a esclavitud ni a servidumbre; la esclavitud y la trata de esclavos están prohibidas en todas sus formas.

Artículo 5.- Nadie será sometido a torturas ni a penas o tratos crueles, inhumanos o degradantes.

Artículo 6.- Todo ser humano tiene derecho, en todas partes, al reconocimiento de su personalidad jurídica.

Artículo 7.- Todos son iguales ante la ley y tienen, sin distinción, derecho a igual protección de la ley. Todos tienen derecho a igual protección contra toda discriminación que infrinja esta Declaración (...).

Artículo 8.- Toda persona tiene derecho a un recurso efectivo, ante los tribunales nacionales competentes, que la ampare contra actos que violen sus derechos fundamentales (...).

Artículo 9.- Nadie podrá ser arbitrariamente detenido, preso ni desterrado.

Artículo 10.- Toda persona tiene derecho, en condiciones de plena igualdad, a ser oída públicamente y con justicia por un tribunal independiente e imparcial, para la determinación de sus derechos y obligaciones o para el examen de cualquier acusación contra ella en materia penal.

Artículo 11.-

1. Toda persona acusada de delito tiene derecho a que se presuma su inocencia mientras no se pruebe su culpabilidad (...).
2. Nadie será condenado por actos u omisiones que en el momento de cometerse no fueron delictivos según el Derecho nacional o internacional. Tampoco se impondrá pena más grave que la aplicable en el momento de la comisión del delito.

Artículo 12.- Nadie será objeto de injerencias arbitrarias en su vida privada, su familia, su domicilio o su correspondencia, ni de ataques a su honra o a su reputación. Toda persona tiene derecho a la protección de la ley contra tales injerencias o ataques.

Artículo 13.-

1. Toda persona tiene derecho a circular libremente y a elegir su residencia en el territorio de un Estado.
2. Toda persona tiene derecho a salir de cualquier país, incluso del propio, y a regresar a su país.

Artículo 14.-

1. En caso de persecución, toda persona tiene derecho a buscar asilo, y a disfrutar de él, en cualquier país.
2. Este derecho no podrá ser invocado contra una acción judicial realmente originada por delitos comunes o por actos opuestos a los propósitos y principios de las Naciones Unidas.

Artículo 15.-

1. Toda persona tiene derecho a una nacionalidad.
2. A nadie se privará arbitrariamente de su nacionalidad ni del derecho a cambiar de nacionalidad.

Artículo 16.-

1. Los hombres y las mujeres, a partir de la edad núbil, tienen derecho, sin restricción alguna por motivos de raza, nacionalidad o religión, a casarse y fundar una familia (...).
2. Sólo mediante libre y pleno consentimiento de los futuros esposos podrá contraerse el matrimonio.
3. La familia es el elemento natural y fundamental de la sociedad y tiene derecho a la protección de la sociedad y del Estado.

Artículo 17.-

1. Toda persona tiene derecho a la propiedad, individual y colectivamente.
2. Nadie será privado arbitrariamente de su propiedad.

Artículo 18.- Toda persona tiene derecho a la libertad de pensamiento, de conciencia y de religión (...).

Artículo 19.- Todo individuo tiene derecho a la libertad de opinión y de expresión (...).

Artículo 20.-

1. Toda persona tiene derecho a la libertad de reunión y de asociación pacíficas.
2. Nadie podrá ser obligado a pertenecer a una asociación.

Artículo 21.-

1. Toda persona tiene derecho a participar en el gobierno de su país, directamente o por medio de representantes libremente escogidos.

2. Toda persona tiene el derecho de acceso, en condiciones de igualdad, a las funciones públicas de su país.

3. La voluntad del pueblo es la base de la autoridad del poder público; esta voluntad se expresará mediante elecciones auténticas que habrán de celebrarse periódicamente, por sufragio universal e igual y por voto secreto u otro procedimiento equivalente que garantice la libertad del voto.

Artículo 22.- Toda persona (...) tiene derecho a la seguridad social, y a obtener (...) habida cuenta de la organización y los recursos de cada Estado, la satisfacción de los derechos económicos, sociales y culturales, indispensables a su dignidad y al libre desarrollo de su personalidad.

Artículo 23.-

1. Toda persona tiene derecho al trabajo, a la libre elección de su trabajo, a condiciones equitativas y satisfactorias de trabajo y a la protección contra el desempleo.
2. Toda persona tiene derecho, sin discriminación alguna, a igual salario por trabajo igual.
3. Toda persona que trabaja tiene derecho a una remuneración equitativa y satisfactoria, que le asegure, así como a su familia, una existencia conforme a la dignidad humana y que será completada, en caso necesario, por cualesquiera otros medios de protección social.
4. Toda persona tiene derecho a fundar sindicatos y a sindicarse para la defensa de sus intereses.

Artículo 24.-

Toda persona tiene derecho al descanso, al disfrute del tiempo libre, a una limitación razonable de la duración del trabajo y a vacaciones periódicas pagadas.

Artículo 25.-

1. Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, vejez u otros casos de pérdida de sus medios de subsistencia por circunstancias independientes de su voluntad.
2. La maternidad y la infancia tienen derecho a cuidados y asistencia especiales. Todos los niños, nacidos de matrimonio o fuera de matrimonio, tienen derecho a igual protección social.

Artículo 26.-

1. Toda persona tiene derecho a la educación. La educación debe ser gratuita, al menos en lo concerniente a la instrucción elemental y fundamental. La instrucción elemental será obligatoria. La instrucción técnica y profesional habrá de ser generalizada; el acceso a los estudios superiores será igual para todos, en función de los méritos respectivos.
2. La educación tendrá por objeto el pleno desarrollo de la personalidad humana y el fortalecimiento del respeto a los derechos humanos y a las libertades fundamentales; favorecerá la comprensión, la tolerancia y la amistad entre todas las naciones y todos los grupos étnicos o religiosos; y promoverá el desarrollo de las actividades de las Naciones Unidas para el mantenimiento de la paz.
3. Los padres tendrán derecho preferente a escoger el tipo de educación que habrá de darse a sus hijos.

Artículo 27.-

1. Toda persona tiene derecho a tomar parte libremente en la vida cultural de la comunidad, a gozar de las artes y a participar en el progreso científico y en los beneficios que de él resulten.
2. Toda persona tiene derecho a la protección de los intereses morales y materiales que le correspondan por razón de las producciones científicas, literarias o artísticas de que sea autora.

Artículo 28.- Toda persona tiene derecho a que se establezca un orden social e internacional en el que los derechos y libertades proclamados en esta Declaración se hagan plenamente efectivos.

Artículo 29.-

1. Toda persona tiene deberes respecto a la comunidad (...).
2. En el ejercicio de sus derechos y en el disfrute de sus libertades, toda persona estará solamente sujeta a las limitaciones establecidas por la ley con el único fin de asegurar el reconocimiento y el respeto de los derechos y libertades de los demás, y de satisfacer las justas exigencias de la moral, del orden público y del bienestar general en una sociedad democrática.
3. Estos derechos y libertades no podrán, en ningún caso, ser ejercidos en oposición a los propósitos y principios de las Naciones Unidas.

Artículo 30.- Nada en esta Declaración podrá interpretarse en el sentido de que confiere derecho alguno al Estado, a un grupo o a una persona, para emprender y desarrollar actividades (...) tendientes a la supresión de cualquiera de los derechos y libertades proclamados en esta Declaración.

“DISTRIBUIDO GRATUITAMENTE POR EL MINISTERIO DE EDUCACIÓN
PROHIBIDA SU VENTA”